

南豐先生元豐類藁

九

蘇子知

知學

PDG

南豐先生元豐類藁卷之四十二

誌銘

虞部郎中戚公墓誌銘

余觀三王所以教天下之士而至於節文之者知士之出於其時者皆世其道德蓋有以然也去三王千數百年之間教法既已壞士之學行世其家若漢之袁氏楊氏陳氏唐之柳氏其操義風槩有以厲天下矯異世否耶以予所聞若宋之戚氏其事可以次叙焉公其家子也叙曰公宋之楚丘人大父諱同文唐天祐元年生歷五代入宋皆不仕以文學義行為學者師歿其徒相與號為正素先生後以子貴贈兵部侍郎考諱綸事太宗

真宗以賢能為樞密直學士與其兄職方郎中維以友
愛聞祥符天禧之間學士以論天書出而郎中亦舉賢
良不就以為曹國公翊善不合去蓋自父子兄弟之出
屢如此學士後以子貴贈司徒公諱舜臣字世佐司徒
之士子也恭謹恂恂奉措必以禮擇然後出言與其兄
某官舜賓某官舜舉復以友愛能師其家有先人之法
度聞自天祐至今百有五十餘年天下六易士之名一
能守一善或身不終或至子孫而失者多矣而戚氏之
世德獨久如此何其盛哉然世之談者方多人之囂子
儉孫隆各極位世世苟德者以為能守其業是本何理
哉公少以蔭補將作監主簿然三十猶在司徒之側司

徒終而貧乃出監雍州稅又監衢州酒遷知舒州太湖
縣兼提舉茶場治有惠愛民乞留詔從之復三年乃得
代獻詩言賦茶之荷歲用萬數願棄勿採以感動當世
歸監在京鹽院言鹽之利宜通商聽之出通判泗州能
使轉運使不能以暴斂侵其民而民之養其父者得以
其義貫死又通判濮州當王則反於具濮民相驚其亂
公斬一人搖濮中者驚乃止已而提點刑獄以為功得
改官公不自言轉知撫州其治大方務除苛去煩州之
詭祠有大帝號者祠至百餘所公悉除之民大化服徙
知南安軍至未及有所施為而公蓋已病矣以皇祐四
年六月七日卒於官年五十有七自主簿九十一遷其

官至尚書虞部郎中公濮州之歸也以其屬與公之配
陳氏九十三喪葬宋之北原皇祐六年正月八日公之
子師道遂以公從陳氏葬戚氏者衛之大夫孫文子食
於河上之邑曰戚為姬姓之後至後世失其所食邑而
更自別曰戚氏漢有以郎從高祖封臨轅侯者曰戚鯁
鯁侯四世而失梁有以三禮為博士入陳卒者曰戚衮
衮稱吳郡蓋官人侍郎之曾祖曰遠祖曰琮父曰主其
譜曰琮自長豐之戚孫徙居楚丘故今為楚丘人此戚
氏之先後可見者也觀公之守其業者可以知其恭觀
公之施於事者可以知其厚矣然人亦少有能愛之者
蓋世之為聰明立聲威者荒謗悖冒無不遇於世至恭

讓質直不能馳驟而遇困蹙者獨不可稱數余甚異焉
夫赴時趨務則材者固亦重矣而立人成俗則潔身積
行豈可輕也哉然時之取捨若此亦其不幸不遇處之
各適其理也銘曰

隆隆戚宗自姬出臨轅蓋官孟名實博郎家梁自祖琮
遠世恬幽樹儒術司徒郎中藝且賢誠符繩公事魁蠲
恂恂南安得家規莊容慈辭若遵律盛哉世徽後宜聞
刻銘方珉告幽室

戚元魯墓誌銘

戚氏宋人爲宋之世家當五代之際有抗志不仕以德
行化其鄉里近遠學者皆歸之者曰同文號正素先生

贈尚書兵部侍郎有子當太宗真宗時為名臣以論事
激切至今傳之者曰綸為樞密直學士贈太尉有子恭
謹恂恂不妄言動能守其家法葬宋之北原余為之誌
其墓者曰舜臣為尚書虞部郎中元魯其子也名師道
字元魯為人孝友忠信質厚而氣和好學不倦能似其
先人者也蓋自五代至今百有六十餘年矣戚氏傳緒
寢遠雖其位不大而行應禮義世世不絕如此故余以
謂宋之世家也元魯自少有大志聰明敏達好論當世
事能通其得泐其好惡有異於流俗故一時與之游者
多天下聞人時以謂先魯之於學行進而未止意其且
壽必能成其材不有見於當世必有見於後孰謂不幸

而今死矣故其死也無遠近親疎凡知其為人者皆為之悲而至今言者尚為之慨然也元魯初以父任於建州崇安縣尉不至以進士中其科為亳州未成縣主簿以親嫌為楚州山陽縣主簿嘉祐六年三月二十九日以疾卒于官年三十有五娶陳氏內豎承制習之女再娶王氏參知政事文憲公堯臣之女有子一人皆先元魯死而元魯蓋無兄弟嗚呼天之報施於斯人如此何也元魯且死時厲其僚趙師陟乞銘於余師陟以書來告余悲元魯不得就其志而欲因余文以見於後故不得辭也以熙寧元年某月某甲子葬元魯於其父之墓側以其配陳氏王氏附將葬其從兄遵道以狀來速銘

銘曰

行足以象其先人材足以施於世用而於元魯未見其止也生既不得就其志死又無以傳其緒曷以告哀納銘于墓

尚書都官員外郎陳君墓誌銘

尚書都官員外郎權知泉州事陳君諱樞卒於位其孤教以君之喪歸葬於湖州長興縣尚吳鄉雉山原前葬其第祀以書之亳州乞銘於南豐曾鞏蓋元豐元年鞏爲福州充福建路兵馬鈐轄奏疏曰臣所領內知泉州事尚書屯田員外郎陳樞質性純篤治民爲循吏積十有五年不上其課故爲郎久不遷方朝廷抑浮競尚兼

素之時宜蒙特詔有司奏樞課優進其官以獎恬退於是天子特遷君尚書都官負外郎誥曰吾寵樞也所以戒奔競明年六月甲子君以疾卒享年若干又明年八月甲寅廼葬君事親以孝聞為人恂恂蹈規矩有善不自伐於勢與利無秋毫顧計心於義所在侃然自任人莫能及也為吏去觚角紕雕琢以平易敦樸為務於刑寧失有罪惟恐傷人於賦役度所不可蠲除者然後調發與民為期會未嘗取疾爭先其為民去害興利若疾痛嗜欲在己所至必興學校以教化為先初尉鄱陽令得盜五人屬尉使為功君辭不受及令宜黃宜黃在窮絕山谷之間舊令無顯者至君為之名常出衆上令旌

德亦然旌德之民歲輸米於太平州蕪湖縣倉路回遠費甚君請輸錢以便民譙縣民輸麥於鄴陽倉以供漕輸豆於會亭倉以給驛行者君復請輸錢以糴供漕以直給驛行者各得其所便罷縣民絕橋閉門留君以問乃得去泉州歲凶君築室止窮民饑者給食病者給醫人忘其窮使者蒐兵於閩以益戍廣西君建言兵當蒐者父母老或疾至無他子皆可聽免詔定著於令余嘗聞繁昌有大姓殺人州縣不能正其罪君時令旌德或徙其獄屬君君驗治僮客盡得其隱伏殺人者論死人以為盡其情又聞君之令旌德也州有所賦調他縣皆奉行至旌德令獨計曰非吾土之所有也非吾人之所

堪也不敢以賦民爭或至十反守憲出語詆君君益爭
州聽然後止最後聞泉州旱君圖所以賑民者欲預為
具或譏君近名君不為動此君之事余得之於耳目者
也昔司馬遷記前世循吏下上數千載所列叙者五人
詳者人數事略者一二事而已今余所論次君事與前
所記五人者相似否必有能識之者君之事效矣然猶
為所記所試者小也今所試者大則其事可勝傳邪君
字慎之湖州長興人曾祖彥夔祖文倚考迪贈尚書屯
田員外郎君進士及第初尉饒之鄱陽用薦者令撫之
宜黃避親嫌令宣之旌德用薦者遷祕書省著作佐郎
知毫之譙縣英宗即位恩遷祕書丞徙簽書資州判官

廳公事遷太常博士今上即位恩遷尚書屯田員外郎
用薦者知越州司錄未至丁父憂服除授三司鹽鈇判
官未至丁母憂服除驛召對崇政殿以為提點淮西刑
獄公事願得治一州徙權發遣明州事未至又徙泉州
留再任以疾請仕未報而卒母某氏某縣太君娶石氏
某縣君又娶劉氏吏部員外郎述之女某縣君又娶氏
氏某縣君一子教也君既行治高世皆以謂宜不次用
而任事者亦意嚮君為尤甚然卒不得至中壽而用止
於此其非命也夫余與君好為最久故不辭而銘君墓
辭曰人孰宜之以夷易也物孰誠之以撲質也所處而
安絀外累也所守而固篤自強也古有循吏其尚似也

詩以宥之其常存也

故翰林侍讀學士錢公墓誌銘

公錢氏也故為王家有吳越之地五世祖鏐號武肅王
高祖元瓘文穆王曾祖儼昭化軍節度使祖昭慈贈左
衛將軍考順之左侍禁閣門祗候贈尚書刑部侍郎公
應說書進士賢良方正能直言極諫皆中其科歷宣州
旌德縣尉大理寺丞殿中丞大常博士尚書司部度支
司封員外郎工部郎中換朝奉大夫充國子監直講編
校集賢院書籍遷祕閣校理選為脩英宗實錄院檢討
官直舍人院同脩起居注遂知制誥直學士院遷樞密
直學士翰林侍讀學士嘗通判秀州知夔州入判尚書

考功改開封府判官出知鄧州入判尚書吏部流內銓
兼判集賢院之兼判禮部權知開封府數請去得知審
官東院兼判軍器監兼提率司天監公事公幼孤家貧
母嫁既長還依其族之大人刻勵就學并日夜忘寢食
於書無所不治已通其大旨至於分章別句類數辨名
叢細委曲無不究盡具見於文辭闕放雋偉故出而與
天下之士挾其所有較於有司常出衆上以其故名動
一時其為尉及為秀婺鄧州皆有治行秀州繫奸仆強
果於力行婺鄧更羣施壞理具設張為直請以能教誘
學者歸之為校理厲英宗之初慈聖光獻皇后聽政公
三上書請還政天子為吏部謹繩墨選者稱其乎為開

封以慈恕簡重為休不求智名以投世取顯為公屬者
有不與公合然公遇之未嘗有厚薄意士以此多公而
為屬者後卒忝服也公於衆不矯為異亦不翕為
同以其故人莫能親疎至於利勢之際人所競逐公方
墮然跡與衆遠故雖有夸者亦不以公為可忌也公之
為判官也府嘗有獄或探大臣意謂欲有所附致公不
為動徐論其意而已公平居樂易無崖崖及至有所特
立人固有所不能及者類如此也公為人謹畏清約與
人交淡然久而後知其為也公之先既籍疆土歸天子
其後至照化守和州十有八年以卒詔葬和州子孫因
家焉至公始葬其母於蘇州吳縣龍岡村之天平山故

今又為蘇州人公諱藻字純老封仁和縣開國伯賜服
金紫年六十有一先豐五年正月庚寅卒于位某年某
月某甲子葬天平山從其母永嘉郡太君丁氏之兆公
妻孫氏秦興縣君男曰某曰某蚤世曰嶧某官孫曰某
某官公卒上馳使臨視其家知其貧特賜錢五十萬而
官其弟若子孫凡三人公嶼余嘗為僚相善其且歿以
遺事屬余而其家因來乞銘銘曰錢姓武王五世之孫
開迹東南以學以文學則知經文則能賦矧曰方間揚
聲天路迺校中書迺掌帝制迺列禁林從容調議治已
伊何維直而清治人伊何維簡而平人以怒遷公能自
克人以利回公能不惑士夫所望天子所器胡不百年

胡不二事龍岡之宅考卜維新公安于此尚利後人

刑部郎中致仕王公墓誌銘

君諱達字仲達家晉陽其譜云隋文中子通之後唐季
辟亂家濮陽故今為濮陽人曾祖考溫祖考名犯濮王
諱考翰贈尚書工部侍郎君幼學于母史氏聰警絕人
及長學于侍御史高弁天禧三年及進士第為廣濟軍
司理參軍母喪去姜遵知永興軍府事取君主萬年薄
萬年令免官君行令事大去舊弊王文康公代遵與安
撫使王公轉運使李綺皆薦君宜令萬年詔特以為試
秘書省校書郎知縣事後不得為例晏殊為三司使奏
召為三司檢法官李諮代殊會天聖十年掖庭火諮任

公具材治宮室五日而用足仁宗聞而嘉之遷祕書著作佐郎王駿知益州取君簽書節度判官廳公事遷祕書丞通判益州事遷太常博士新都里胥捕罪人殺之獄具當死君求得其情為奏讞里胥得不死蜀人以為德入為開封府推官賜緋衣銀魚府史馮士元家富善陰謀廣市邸舍女妓以啗諸貴人一時多與之親會士元有罪繫獄君治之竟其事及諸貴人以其故効得罪去者或謂君禍自此始也君笑曰吾知去惡人耳出為湖南路轉運使蠻人歸附遷尚書祠部員外郎坐小法知處州池州福州揚州江南西路轉運按察使遷尚書刑部員外郎按知洪州卞咸抵其罪改荆湖北路轉運

使初諫官李京嘗奏君某事及是京以言事斥監鄂州稅聞君至移病不出君要諭之曰前事君職也於人何負哉卒與之歡甚京死又力調京家而奏官其子改河東轉運使賜紫衣金魚坐小法知光州逾日遷尚書兵部員外郎徐州知州是時山東大飢君所活數萬人收遺骸為十二家葬之亦數萬是時富丞相為京東東路安撫使自為文祭其冢明年遷尚書工部郎中淮南轉運使歲飢又多所全活就加直昭文館知越州浙東兵馬鈐轄遷尚書刑部郎中判刑部加直龍圖閣知荆南府荆湖是路兵馬鈐轄濬渠水利文開新河通漕公私便之請知衮州坐法免起知金州提宰衮州景靈宮知

萊州遷尚書兵部郎中知西京留守御史臺授宰崇福
宮皆不赴遂乞致仕居鄆州熙寧五年四月癸亥終于
鄆州昭慶坊之私第享年八十有二有文集五十卷君
娶朱氏賈氏高氏高氏封長安縣君其父弁君所從學
者也皆先卒有子五人子駿衛校寺丞子淵鄆州壽張
主簿子建河南伊闕尉子臯子英未仕也女七人適蘄
州黃梅令李綱尚書賤方員外郎馬淵右班殿直侍其
珪進士程行大理寺丞劉士邵鄆州穰縣主簿李毅進
士張伉君為人志意廣博好智謀竒計欲以功名自顯
不肯碌碌所至威令大行遠近皆震然當是時天下久
平世方謹繩墨蹈規矩故其材不得盡見於事而以其

故亦多齡齒至老益窮然君在撼頓顛蹙之中志氣彌厲未嘗有憂戚不堪之色蓋人有所不能及者也君尤篤於好善平時與之遊者皆當世豪傑知名之士若予者亦君之所厚故君之葬其子來屬以銘而予不得辭也君葬於某平之歲某月某甲子而墓在鄆州之某鄉某原銘曰

維特材志橫出世拘牽困羈馬見事為萬之一形則潛名不沒

司封郎中孔君墓誌銘

君姓孔氏諱延之字長源幼孤自感厲晝耕讀書壩上夜燃松明繼之學勢大成鄉舉進士第一遂中其科授

欽州軍事推官杜祀之使南方誅歐希範蒙趕君策書
居多其書奏謀議皆君為屬草藁監杭州龍山稅知洪
州新建縣又知筠州新昌縣還朝會開封界中治孟陽
河中作而開封奏可罷御史與開封爭不決詔君按視
君言費已鉅成之猶小利遂從君言知封州即用為廣
南西路相度寬恤民力所更置五十五事徭役二千人
使者欲城封州君爭以謂無益乃不果城遷為廣南西
路轉運判官辭母老不許廣西人稀耕者少而賦糴於
民歲有至六百萬石程督與稅等然不過能致數十萬
石而止君計歲糴二十萬石而足高其估以募商販不
賦糴於民初儂智高下推恩南方補虛名之官者八百

人多中戶以上皆施役役歸下窮君使復其故欽廉雷
二州蠶戶以採珠為富人所役屬君奪使自為業者六
百家皆定著今交阯使來桂州陰齎貨為市湏負重三
千人君止不與使由此不數至雷州並海守方倪為不
善官屬共告之倪要奪其書悉使官屬并拏繫獄晝夜
榜笞軍事推官呂潛以瘦死君馳至取倪屬吏縱繫逮
者七百餘人倪坐法當斬亦以瘦死人誰叫感泣聲動
海上改荆湖北路提點刑獄即本路為轉運使罷鼎州
六歲寒戍土丁千餘人提點刑獄言溪洞南江宜麻稻
有黃金丹砂之產遣人諭禍福以兵勢隨之可坐而取
也君奏以為不可乃止之召為開封府判官以母老辭

知越州移知泉州以母老辭改知宣州未至言者奏越
州鹽法不行故課負坐罷宣州而課法以滿歲為卒歲
終越之鹽課應法乃以君為權管勾三司都理欠憑由
司出知潤州未行暴得疾卒京師熙寧七年二月癸未
也年六十有一自欽州九遷至尚書司封郎中賜服緋
魚君之得見於用掇其大者如此君氣仁色溫寡笑言
言若不能出口及見義慷慨辯且強也方微時已數劇
切上官無顧避及老益自強守所聞於古不肯苟隨以
故齟齬二不以易意君事母孝持以約與人交盡其義
其於恩尤至也治人居官一以忠厚不矜智飾名噫可
謂篤行君子矣其家食不足而俸錢常以聚書至老讀

書未嘗日廢也工於為文諸子皆自教以學子多而賢
天下以為盛云君臨江軍新淦縣人孔子之後四十七
世孫曾大父令倩大父文質考中正母劉氏君登朝考
贈光祿卿母封仁壽縣太君娶楊氏封仁和縣君有子
七人文仲台州軍事推官咸仲江州軍事推官平仲權
州軍事判官和仲進士義仲太廟齋郎餘早卒女三人
嫁襲慶軍節度推官曾準吉州吉水縣主簿應昭式進
上蔡公彥孫男女八人初君樂江州之佳山水買宅將
居之故其子以八年九月乙酉葬君於江州之德化縣
仁貴鄉龍泉原以楊氏祔君有文集二十卷其子以余
與若為最舊來乞銘銘曰

有綽厥政流播在民有蔚斯文舊美於身孰委于外不
源于內于內曷以以其豈弟其立栢栢不回不倚施不
盡有于則多賢曷久厥問閱辭幽阡

都官員外郎曾君墓誌銘

君曾氏諱誼字子常建昌軍南城人曾祖暹祖士宗考
充贈殿中丞君進士及第補洪州新建縣主簿循州龍
川令知筠州之上高臨江軍之新淦舒州之桐城三縣
授舉江南東路常平倉兼農田水利差役事權知楚州
歷秘書省著作佐郎至尚書都官員外郎君生而好學
其家學者自君始博聞強記明於大體善屬文一時名
出衆右其家故貧然君為人節廉自重嚴吏歸常闔門

居不與人事或日具不得食晏如也為吏平恕督悉務
在愛人不為刻察所歷縣稱治江東同職欲增賦役錢
於君爭不能得自請罷去遂知楚州楚饑四方之船粟
至至者市場吏定取價賤予價貴計其於民而
粟未嘗出納也販者為不行人以乏食又取民之食其
伎者錮於官禁不得私粥市井騷然君初止之不變則
按致之法朝廷他吏覆視不能易君言市場吏得罪免
君益不合卒他法罷既去而楚人思之既死楚之人迎
哭其喪甚慟至今言治楚者以君為不可及也君平居
恂恂持卑及遇事不奪其守如此君熙寧九年四月癸
巳卒於開封府咸平之驛舍年五十有一明年某月某

甲子葬於南城之某鄉某原子景初景倩景融景裔景融景初蚤世女嫁表州萬載令董沂進士夏時中陳卞母鄭氏崇德縣大君妻傅氏仁壽縣君銘曰

江東之議不俛而隨山陽之治達世所馳有扶之強以弱犯之有醜之正以獨守之彼不我與我不爾欺尚告厥志作此銘詩

王容季墓誌銘

容季王氏諱同其先太原人中徙河南其後自光州之固始徙福州之候官徙候官者五世矣曾太父諱廷金仕閩王為遠安軍使太父諱居正贈祕書丞考諱平為侍御史葬潁州之汝陰故今為汝陰人容季嘉祐六年

進士及第主蔡州之新蔡縣簿治干某年某月某甲子卒於家年三十有二熙寧某年某月某甲子葬汝陰旌義鄉衆人管侍御府君之北母曾氏金華縣君尚書刑部郎中集賢殿脩撰贈太師中書令兼尚書令某公某之女妻賈氏尚書司門郎中昌期之女男女二人男曰某始若干歲容季孝悌純篤尤能刻意學問自少已能為文章尤長於叙事其所為文出輒驚人為人自重不馳騁銜膺亦不子子為名日與其兄講唐虞孔子之道以求其內言行出處常擇義而動其磨礱涵養而不止者吾未能量其所至也不幸其志未就其材未試而短命死矣初容季之伯兄回深甫以道義文學退而家

居學者所崇而仲兄向子直亦以文學器識名聞當世
容季又所立如此學士大夫以謂此三人者皆世不常
有籍今有之或出於燕或出於越又不可得之一鄉一
國也未有同時並出於一家如此之盛若將使之有為
也而不幸輒死皆不得至於壽考以盡其材是有命矣
而命之至如此何也初子直之遺文深甫屬予序之數
年又叙深甫之文復數年耳容季歿有日其仲兄固子堅
又屬予銘其墓而且將叙其文嗚呼非其可哀也夫銘曰
學足以求其內辭足以達其外守之用剛養之用晦如泉
之進如木之升奄焉以止不究其成維文作詩以求厥聲
南豐先生元豐類藁卷之四十二

南豐先生元豐類藁卷之四十三

誌銘

都官負外郎胥君墓誌銘

君姓胥氏諱元衡字平叔長沙人皇考諱某王考諱某
考諱某王考贈尚書工部郎中考為翰林學士尚書工
部郎中贈尚書吏部侍郎君少以蔭為將作監主簿六
遷為殿中丞賜緋魚袋鎖廳應進士舉得出身又三
為尚書都官負外郎歷監在京染院內衣庫皮角庫簽
書河南府判官公事通判湖州又通判海州治平三年
四月壬寅以疾卒於泗州其年八月庚寅葬於許州陽
翟縣三封原翰林君之塋初娶李氏太子少傅若谷之

女再娶韓氏封成安縣君尚書刑部員外郎知制誥綜
之女子男二人曰茂謀太廟室長次尚幼女二人長早
夭君少孤能自奮厲力學問工為文章又謹畏廉潔慕
善而不自放居官雖小法未嘗不慎而不為察察於人
有所能容其大意如此故所至士大夫愛其脩而百姓
歸其恕其在染院二庫雖尚少已有能名及為通判判
官而能益顯蓋所試者大將豈可勝數哉始大臣薦其
文章宜在館閣近臣又薦其脩潔宜任御史朝廷方嚮
用之以為江西轉運判官命始下而君蓋已死矣死時
年三十有九聞其喪者識與不識皆哀之蓋天聖之間
翰林君方處顯好收獎天下之士而名能知人士之出

於其時有盛名於天下者多翰林君發之及其後君既
壯大所與遊士大夫亦皆一時之雋然自天聖至于今纔
四十年翰林君之門下士多至大官富貴尊寵君所與
遊士大夫亦多重於時而翰林君弃賓客已久君又蚤
世獨翰林君之夫人建康郡太君田氏年七十與君之
孥羈旅於閭巷君之喪合衆人之賻乃克葬其盛衰之
際如此固所謂命者非耶君之葬祕閣校理裴煜以茂
謹之疏來請銘予與君皆嘉祐二年進士故不得辭

銘曰

維艱而勤以敏其繼維平而畏以篤其義考以無遺在
人有賜我志之良孰曰非遂我材之尤孰曰非試不申

其期不擴其施有命則然其又何悲尚告後世知者之
辭

劉伯聲草誌銘

慶曆之間余家撫州州掾張文叔與其內弟劉伯聲從
予遊余與伯聲皆罕與人接得頗意以學問磨礪浸灌
爲事居三年廼別後數年余以貧而仕見伯聲於京師
年益壯學日以益又數年余校書史館伯聲數過余飲
酒談笑道舊故相樂也伯聲耄老然以疾故亦衰矣旣
而余去京師而東更七州至于亳伯聲子之美來告曰
伯聲死八年矣將死時命之美屬余銘其言曰葬而不
得余銘如不葬也余惟伯聲始從余遊至今三十年見

其少壯至於有疾而衰與之故最久於其死而托銘於
余故不得而辭也伯聲諱震為人質厚沉深寡言笑恂
恂蹈規矩與人遊見其一善若恐不能及見其一失若恐
不能拔其薦於誼如此讀書有大志慨然欲有為者也
少孤能自立尤貪然營䟽屬之葬孤姪之嫁娶忘其力
之不足也數以進士薦於鄉卒不合脫乃得試將作監
主簿曾大父澤左補闕贈吏部尚書太父居仁單州單
父縣主簿考絃濟州司理參軍其先清河人自吏部葬
開封府之東明今為東明人伯聲卒於熙寧五年二月
戊戌年五十有三葬於東明之陽山鄉白駒里以元豐
三年十一月某甲子妻賈氏尚書比部員外郎式之女

子四人之美之純之奇之邵二女嫁傀良器李日新張
文叔名彥博余為之叙其文者也銘曰
敏於求已尚行寡言篤於求古廣見多聞有就畀之而
施則屯維舊則信以諗後人

尚書比部員外郎李君墓誌銘

康定初先人寓南康與李君居並舍是時君年未四
十游余父子間相好也後十餘歲君為臨安遇余於浙
西道舊故喜甚又十餘歲君已退而家居復見之山陽
又九歲而君年七十有一以卒明年其孤仲熊自山陽
抵京師拜且泣曰願得銘也余惟君游余父子間四十
年矣銘其可辭君姓李氏諱丕字子京初名真卿曾大

父諱某大父諱某考諱某贈光祿卿母丁氏仙源縣太
君繼母王氏仁壽縣太君海州朐山人家故寒也學為
士自君始出舉進士中其科得主楚之淮陰簿歲凶轉
運使調軍食用君主宿州糴他州皆強賦民猶不足君
隨便開誘糴者悅趨糴最他州去為慶州司法參軍能
隨用見聲出衆上薦者十四人不用遷寧國軍節度掌
書記轉運使屬君市翎毛擾致如主糴所市以赤數之
至十萬復最他州又屬君主作院君考校程度所作兵
器總一萬一千三百二十有四皆精且利他軍州事有
不能決者多屬君君所決者三十有八事蓋復太平州
囚管壽活之明通判歙州林瑀無罪釋之類如此於是

能益白薦者三十人遷祕書著作佐郎用薦者監興元
府稅急吏寬商課贏十有七萬歲中以歲次遷祕書丞
以課遷太常博士以覃息遷尚書屯田貳外郎知杭州
臨安縣召為審刑院詳議官賜緋衣銀魚遷尚書郎官
貳外郎通判蜀州蜀少事然他州訟有積歲不能決者
轉運使以屬君君所決八事民信服之遷尚書職方貳
外郎監在京內衣庫樞密使田况奏用君刪定馬軍司
條貫既成詔加賞資濱州有獄久不能決辭連大臣冢
子遣吏治之輒辭詔遣君乃決累遷尚書職方郎中以
母老出通判杭州坐法免復為尚書比部郎中監沂州
承縣蓋酒稅未逾月自罷歸又監陝州集津梁蓋務不

行以本官致仕元豐三年九月巳郊以疾卒山陽之私
第十一月甲寅葬安樂郡之揚興里君娶葛氏仙居縣
君再娶喬氏壽安縣君子男七人曰仲熊衛州軍事推
官曰仲謨以進士再試禮部曰仲將曰仲傑曰仲倩曰
仲昌皆未仕也女六人嫁吳好禮于銳皆奉議郎馬察
于鏜皆進士餘幼也君既自奮拔立其家蓋仕四方惟
蜀去其親其事兄撫孤弟姓皆盡息意其為吏不獨能
自仕其官蓋他吏之不能任其事者或屬君兼任之辨
其裕也不幸一跌世無力振達之者故以坎壈終銘曰
海區氏李有啓厥世富辭與能自約而侈曰父與子即
官卿士曰妻及母翟衣象掃謂勢方利孰輻以毀施不

盡有故也則喟尚佑爾裔以追厥始

司封員外郎蔡公墓誌銘

公諱充字公度天聖二年進士及第為邵武軍之邵武尉又為應天府之下邑尉丁母夫人河間縣太君周氏憂服除為越州司理參軍天平軍節度掌書記遷祕書省著作佐郎知洪州奉新縣祕書丞知遂州小溪縣改通判戎州累遷太常博士尚書屯田度支司封員外郎歷監在京都進奏院群牧判官知絳州又為提點荆湖北路刑獄公事至和三年七月二十三日以疾卒於澧州之官舍享年七十有一嘉祐二年十一月十三日葬于建昌軍南城縣太平鄉之西原公為人好自潔清平

居衣冠容貌肅然及其臨事以沉默慎靜為主故自起家至於其終九三十餘年歷內外官任事無纖芥之失其與人遊始若淡然無足動其意者及其久人人皆退自喜謂公真長者也其為尉參軍掌書記人始以廉節知公及為奉新小溪絳州其政又以平恕不擾聞至其在群牧荆湖數更宜諸事人皆服其能其於越州屬將佐交惡府中多向背公獨挺立無所與後將又以貪坐法官屬多不能自全事亦卒無汙公者於戎州屬瀘州叛

涓井監轉運使用公調兵食禦之兵遂以濟於

絳州州歲市羊數萬供京師公奏減之至今賴其法於荆湖既周知官屬善惡於善人多薦籍成就之而於惡

人無所貸其法公既能自將顯其材故薦公者尤多蓋
王沂公曾王鄧公詒永與今富丞相弼之居鄆也皆薦
之而鄧公之為樞密使兼群牧制置使也又奏公為判
官其為當世之大臣所知如此初公年十三喪父家貧
尤自克苦養其母及仕未嘗廣田宅喪歸借屋以居曾
祖諱恭祖諱道隆父諱旦以公息贈尚書屯田員外郎
世家南城故為南城人娶鄭氏累封宋城縣君子八人
曰冠卿祕書省著作佐郎曰端卿鄭州原武尉曰文卿
曰徽卿曰宋卿曰喬卿曰子卿曰孺卿公歿詔官其一
子蓋公不獨能以其有施於身又能力以其餘教於家
故公之歿也冠卿以材尤知名端卿而下皆謹嚴能世

其家者也女二人嫁邵武尉陳涉進士陳之邵冠卿等
將葬公以銘屬公故人子曾鞏銘曰

司封抱能屈初齡秉旄懷綬晚始亨沙壘莽崖肆經營
馬羊茁肥獄訟平凜然氣志潔以清自微託隆用兢兢
風流餘徽被家庭子多以才後方興

贈職方真外郎蘇君墓誌銘

熙寧元年春余之同年友趙郡蘇軾自蜀以書至京師
謂余曰軾之大父行甚高而不為世用故不能自見於
天下然古之人亦不必皆能自見而卒有傳於後者以
世有發明之者耳故軾之先人嘗疏其事蓋將屬銘於
子而不幸不得就其志軾何敢廢焉子其為我銘之余

為之記其說曰君諱序字仲先眉州眉山人士其先蓋趙郡樂城人也曾太父斬大父祐父杲三世皆不仕而行義聞於鄉里祐生於唐季而卒於周顯德之間嘗以事至成都遇道士異之屏人謂曰吾術能變化百物將以授子祐辭不願道士笑曰是果有以過人矣而杲始以好施顯名君讀書務知大義為詩務達其志而已詩多至千餘篇為人疎達自信持之以謙輕財好施急之人病孜孜若不及歲凶賣田以賑其隣里鄉黨至孰人將償之君辭不受以是至數破其業厄於飢寒然未嘗以為悔而好施益甚遇人無疎密一與之傾盡無疑礙或欺而侮之君亦不變人莫測其意也李順叛攻眉州君

居園中守禦會其父病沒君治喪執禮盡哀退慰安其
母皆不失所宜慶曆初詔州縣立孝取士爭欲執事李
中君獨戒其子孫退避人皆服其行蜀自五代之亂李
者哀少又安其鄉里皆不願出仕君獨教其子渙受李
所以成就之者甚備至渙以進士起家蜀人榮之意始
大變皆喜受李及其後眉之孝者至千餘人蓋自蘇氏
始而君之孝子洵壯猶不知書君亦不強之謂人曰是
非憂其不孝者也既而洵果奮發力孝與其子軾轍皆
以文孝名天下為孝者所宗蓋雖不用於世而見於家
稱於鄉里者如此是不可以無傳也已君始以子恩為
大理評事後累贈尚書職方員外郎享年七十有五慶

曆五年五月十一日終於家八年二月某日葬於眉山
縣脩文鄉安道里先塋之則夫人史氏蓬萊縣大君二
子曰渙尚書都官郎中提點利州路刑獄公事有能名
曰洵霸州文安縣主簿編纂太常禮書贈光祿寺丞孫
七人位僧不欺不疑 不危軾轍軾殿中丞直史館

轍商州軍事推官銘曰

蘇氏徂西值蜀崩分三世高逝以篤吾仁君始不羈勞
躬以卑孝于父母施及窮蹙維見之卓教其子孫終化
鄉邦孝者詵詵維子若孫同時三人擅名文章震動四
方迺本厥初考祖之自刻詩墓石以畀厥裔

庫部員外郎知臨江軍范君墓誌銘

嘉祐五年六月辛巳尚庫部員外郎知臨江軍事范君
卒于位年五十有三其年十月辛酉葬于江州德化縣
之仁貴鄉萬家山前葬其孤屬君之故人李中考次君
之官氏邑里與其功行之實為狀授使者使告於輦曰
先君葬既得日月宜有銘孤安期也敢請輦曰君之行
宜有述乃為之誌其墓而銘之其叙曰惟范氏傳叙受
姓自劉累以來其後居江州者出於晉豫章太守籛之
後君諱端字思道江州德化人也祖祕書省著作佐郎
贈太常少卿諱成象父尚書都官員外郎贈光祿卿諱
應辰君始以父任為太廟齋郎累轉至尚書庫部員外
郎歷德化尉江寧主簿江都令知南昌飛鳥彭山三縣

通判通州徙泰州又為句當開治畿內溝泣提率陝西
河北路便糴糧草至知臨江軍事而飛鳥以乞養太夫
人得監江寧府鹽稅彭山用薦者得監雲安軍鹽井二
縣皆不至君聚書萬餘卷強力篤孝為人恭遜質儉能
自脩飭門內之治肅如也及施於為政以謹法能持廉
名於世而世之能觀其內者亦少也始為江都會歲旱
張若谷為揚州遣吏數人與君皆出視民田他吏還者
白歲善君還獨白田實旱若谷初不是之也君持旱
苗力爭乃卒是君所白吳遵路蔣堂為淮南轉運使使
君護河後君往視之還言河不可為遂罷君用他吏護
役而河果不可為三人者其初皆怒已乃感寤共薦之

而當是之時天下之主財利者方務於急聚歛治民者以立聲威為賢交四方之賓客者又徃徃嚮意於卑辭貌煩饗燕贈送之禮以其故能傾士大夫以干天下之譽君乃獨推息民教化之意以簡易自守故為雲安主益利而議蠲益課以數萬為臨江以興學教人為先而厨傳賓客之奉十去其七八四方之徃來者或出語訕君君不為之動也其正行直道如此太夫人李氏贊皇縣太君父尚書工部侍郎虛己元配氏父龍圖閣直學士向次配周氏清河縣君父尚書司封員外郎陵子男六人安期安仁安之安世安壽安禮女五人長適和州司戶參軍鄭夷中次適都曷主簿周詠次適郊社

齋郎周佺期餘尚幼孫男六人萃叟岩叟渭叟商叟蒙
叟真叟太夫人之喪君哀感疾四年乃能起凡君之所
既立可謂有士君子之行非耶自不遵先王養士用人
之法而士在閭巷之間者用力於空文居朝廷者馳騁
於虛名以譁世取寵士之能脩其內察身累行者非自
好之莫能至而世亦罕能知之也故君之事予喜為之
見於文使後之君子得覽焉君於文章尤長於詩有集
三卷藏於家其銘曰

君性溫溫好退特卑及其臨事擇義而為一世之棄君
獨從之一世之慕君獨違之行已有常在官無疵曷以
知之眎此銘詩

張父中墓誌銘

君姓張氏名持字父中初名伯虎慶曆三年來自曲江入太學當是時天子方詔學官歲獻士二人學者以數百千人獨獻君會學散不報於是時予蓋未嘗識君也後二年過子之所居臨川始識之君為人深沉有大度喜氣節重交游一時所與之遊者甚衆而君所尤稱者廣漢張賁以為年少可進以學者莆陽陳惇蓋君之學多賁發之而於惇以師友自處也凡君之與人交喜窮盡其得失其義足以正之而其直未嘗苟止也至其與衆人接尤溫以莊不妄與之言與之言必隨其材智所到不病以其所不為故君之友皆憚其嚴而喜其相與

之盡衆人之得君遊者亦皆喜愛而未嘗有失其意者其語曰士生於今勢不足以持立而遊於其間當如此也於臨川出其文章因學予言古今治亂是非之理至於為心持身得失之際於其義余不能損益也後二年死於興國軍某月某日也明年其弟來江南以力之不能將獨負君之骨以歸是時陳惇方以進士得出身約君之弟曰吾忍不全歸吾友耶明年吾得補為吏力能以君之歸其弟乃止君年若干祖某考某君幼孤養於兄嫂嘗曰嫂之於吾猶母也婦能以姑之礼事吾嫂者可以為吾婦矣然卒亦無也君固難交然不易其好而陳惇者與君交尤深也予嘗眎惇與君之相從憂窮

齟齬無不共之其中心豈有利然也世之交友道廢久矣其有之或非此也然則君之事其有取於在教非邪惇以某年某月某日歸君之葬地而屬予銘其辭曰嗚呼父中不如其志孔孟已然何獨於子生而不大夫固為之其長在人於此觀之


秘書丞知成都府雙流縣事周君墓誌銘

君姓周氏諱旻字夢臣衢州江山人也曾祖漢規祖德厚父幹君以進士及第歷南劔之將樂建昌軍之南城主簿監慶州零都銀場又為秦州司戶參軍用薦者為祕書省著作佐郎知宣州南陵縣事遷祕書丞知成都府雙流縣事嘉祐六年正月某甲子至江陵卒於舟中

年五十有一母某氏先娶毛氏又娶祝氏子男三人曰
某曰某女四人君之卒某始七歲清江李中為之具喪
事所須某年某月某甲子君之弟嵩葬君於某縣某鄉
某所之原君少孤力學不問生業事母以孝稱在仕也
嫁姊之貧者居常分月俸三之一以奉之餘以與諸弟
君與妻子或止食館券而已為人和平質簡其施於為
政亦然及至有所必行人亦多所不能及也其為南城
雩都取豪猾尤難治者三人皆繩以法君既見惡果於
繩而去之故其餘皆斂跡不敢犯君法此君之行已居
官已試者也所試者大將豈止於是欤銘曰
婉婉為人疑疑為吏此有愛慕彼無怨議孰厚其有孰

艱厥施維銘昭之以論未裔

元豐類彙卷之四十三



元豐類彙卷之四十四

誌銘

殿中丞致王王君墓誌銘

君諱某字某其先琅邪人嘗徙家于蜀王君之考又徙家于揚故今為揚之江都人曾祖諱錫祖諱得中為直定府獲鹿縣今贈尚書刑部侍郎考諱汝能為尚書都官郎中贈尚書工部侍郎君少以父仕為太廟齋郎養其父不忍一日去左右至卒喪年已四十餘始出為南劍州司戶參軍歷監劍州銀銅場和州司戶參軍用薦者監穎峒稅去為越州山陰縣尉滑峒錄事參軍隨州唐城縣令其為銀銅場冶者復業而歲課大溢為尉能

發奸偷為錄事能治獄不撓為令能有惠愛於人其試
於事者如此其為人居家孝友遇人和易質厚不為聰
明機巧以華世動俗故知之者少而君亦自若也至年
七十遂上書還政遷太子中舍今上即位恩遷殿中丞
賜緋衣銀魚卒為熙寧五年之五月甲辰年七十有七
以其年十月乙酉葬于江都之東興寧鄉馬坊里以其
配永嘉縣君周氏附有子二人曰幾大理寺丞曰深潤
州丹徒縣主簿皆有文行能立其家有女一人嫁陸氏
有孫男二人孫文二人尚幼也寺丞娶余之仲妹以書
來乞君之墓銘余不能辭也銘曰

養心以和動已以直不為世巧安於自得顯不在躬寔

詒爾于歆鴻厥聲勒銘于此

贈大理寺丞致仕杜君墓誌銘

君姓杜氏澶州濮陽人卒於皇祐元年十月庚申葬於
熙寧八年十月丁酉其墓在濮陽縣桂枝里之樂村以
夫人僊居縣太君潘氏祔君曾王考佑王考延嗣考珣
子男三人曰言曰宗諫皆蚤世曰宗誨殿中丞女二人嫁
馬氏欒氏孫男二人曰良輔餘未名也君諱瑩字德溫
贈大理評事又贈大理寺丞為人孝友溫良以清靜為
學而以淡泊自足行脩於家而譽聞於鄉其自得者壽
考見於身其有餘者流澤見於後故其年至於八十而
有子能大其門言理之士以此多君也宗誨為人質厚

恬夷世俗之所為有不為者余為襄陽宗誨實僉書郎
度判官公事愛其所守而知其有所受也其以君之銘
乞於余故不辭銘曰有以養其內克遐者壽有以行於
遠克昌者後帝原厥初追錫命書余與此銘賁于幽墟

胡君墓誌銘

君名敏生於天僖之戊午卒時皇祐之辛卯也既卒之
明年葬於其所家撫州金谿縣之東某里某原字某姓
胡氏父名晏教君學已為之求師又為之求四方善人
君子與之接致其力不敢懈至於老以死不敢變君亦
能奉其意故君之為進士其強學其廣記其博問其能
文辭於其業可以謂之修其事親其居家與人遊不見

其缺虧其約其質其不苟其寡言於其行可以謂之脩
夫積其勤以至於業之修而止薦於鄉積其謹以至於
行之修而不克顯於世此世之所以哀君也然君有可
以慰其親而不疚於其內比於得其欲富貴於一時而
有愧於其心者其得失何如固易知也母某氏妻某氏
子某弟某君 嘗學於余也故銘之銘曰

慰其親學也勤短而屯塞不伸震無垠塚斯珉

光祿寺丞通判太平州吳君墓誌銘

龍圖閣直學士給事中吳仲瑛具書載其子業官世行
治屬余曰吾于某不克壽不得見其志幸得名信後世
則其其不泯泯尚足以慰吾恐也余為之述曰維吳氏

以文學直道繼有顯人其家于晚出並茂亦多以材能
見於世君居其間孝友篤學有大志未見其止其不幸
蚤死故君既自重無所試而其家蓋識君之事亦畧也
君以父任守將作監主簿今上即位恩遷大常寺奉禮
郎是歲進士及第僉書廣濟軍判官公事上書言時事
有人之所難言者部多盜君請取酒場羨錢益賞購轉
運使難其言君以聞詔用君議盜以衰息君以母濟陽
郡君蔡氏憂去官服除遷光祿寺丞通判太平州州類
以治行部中視河還不入其家將行廣濟圩度姑熟陰
橋壞以水死年三十有三熙寧八年四月某甲子也朝
廷聞而官其一子君娶陳氏尚書職方員外郎亢之女

前君一年死子曰墳郊社齋郎曰圻未仕女一人始五
歲君初名秉禮字子鈞其先興國軍某人曾祖考其祖
考某贈戶部尚書仲庶名中復以君卒之二年正月某
甲子葬君南康軍都昌縣沐浴保之龍回山以陳氏附
銘曰

家紀其行官紀其能收科于少是紹是承維曰未試方
勃而起云胡不邀一跌而逝命則維為昧不可稽昇爾
萬年式諗以辭

殿中丞監揚州稅徐君墓誌銘

唐之亡疆者分其地為國以十數揚行密有淮南稱吳
海州人徐溫為吳將有功行密死三子相次立溫用事

貴顯溫死其養子知誥遂代楊氏盡有江淮之地稱唐
去溫所與為姓名者姓李氏名昇溫已子知諫事昇為
將死昇追以為中書令臨淄王知諫子遜事昇子璟為
中書侍郎上饒郡公遜子徐君事璟子煜為其秘書郎
賜緋魚袋宋既受命平天下停李氏以歸徐君亦隨之
京師得為太常寺大祝不樂棄官歸江南久之為殿中
丞監揚州稅以死子天錫為秘書丞亦死女四人其第
二女與李皆嫁呂氏徐君死祥符間後四十餘年嫁呂
氏女有子倚始葬徐君與徐君之母李氏妻陸氏於揚
州之某原方徐氏之先與揚氏俱起東南收其土地而
有之遭行密子弱徐氏實任其國至昇遂代吳而徐氏

子孫亦皆據士民之上有王公之勢於其一時富貴之際豈非盛哉百年之後其世凌遲至於徐君遂死而無以葬葬於異姓之孫盛衰之變何其速也然自前世無不皆若此富貴之不可以久恃亦何又異也而世之不安其命者方枉義挈挈以覬幸其偶得之者又惴惴恐失之是真可以常處也哉初東南之地既入於有司天子憐士民許皆復田其故所有地徐君之地為尤多而不取有冒徐君之地以賣之者亦不問是以其貧甚而徐君獨自得徐君諱元榆字僊材好學善屬文吏部費黃中嘗試其書判曰元白不足多也尤能詩詩數百篇號南歸集大抵多慨其不得志徐君之所以自見也嫁

呂氏女之夫名其憐徐君之死無以葬死以屬其子倚
倚貧甚能自力卒葬徐君而就其父志銘曰
富吾不爭可謂既好之貧吾不懟可謂又安之諧婦此
丘女子之為永昭歎聲維此銘詩

永州軍事推官孫君墓誌銘

黔縣之孫氏有起進士為尚書工部郎中廣南西路轉
運使以卒者諱抗以文學見於世其葬在黔之上林有
子亦起進士為永州推官以卒卒時年二十有八者諱
適亦以文學見稱葬在其父之左將葬其弟適以告而
乞銘於南豐曾鞏其序曰孫氏世家富春唐有徙歙之
黔縣者諱師睦始自別為黔縣之孫氏師睦生延緒延

緒生旦旦生遂良以子息為尚書職方員外郎職方生
工部工部實生君君年十有四辭親學問江東已有聞
於人徃從臨川王安石受學安石稱之後主越州上虞
簿去以父息得永州父卒萬里致喪疾不忍廢事既葬
携扶幼老將就食淮南疾益革遂卒於池州大安鎮實
至和二年始工部為御史不合而出及使南方什且起
遽卒君尤自力學行謂蘊必發其在君又止此君於學
問好其治亂得失之說不狃近卑於為文以古為歸不
夸以浮雖素羸不廢書雖進不怠以止既肆而通矣而
不得極其至其銘曰

孫世來黷拔身艱故為世聞家始自工部工部孰有有

書百篇永州之學自其父傳其果以力其敏以明內有
其質外以華英再以不就其後當後君不有子君多兄弟

尚書都官員外郎王公墓誌銘

王氏其先太原人世久遷徙而今家撫州之臨川公諱
益字舜良曾祖諱某不仕祖諱某以子故贈尚書職方
員外郎考諱某以公故即其家拜衛尉寺丞公祥符八
年舉進士及第初為建安主簿時尚少縣人頗易之及
觀公所為乃皆大畏服其督賦稅未嘗急貧民或有所
笞罰唯豪馴吏而以故建安人尤愛之嘗病闔縣為祠
禱改臨江軍判官軍多諸豪大姓之家以財力自肆而
二千石亦有所挾為不法吏乘其然乾沒無所忌公至

以義折正二千石使不能有所縱以明憚吏使不敢動
搖居頃之部中肅然諸豪大吏見公皆側目而視至以
鄙言目公曰是不可欺也卒不得已以他計出公領新
淦縣縣以治聞去改大理寺丞知廬陵縣又改殿中丞
知新繁縣縣有宿奸數人公既繩以法其餘一以息信
遇之嘗踰月不答一人知韶州改太常博士尚書屯田
員外郎嶺以南素習於夷無男女之別日浸月滋為吏
者師耳目謂俗止如此凡姦事雖得有可已者皆不寃
公曰夫所謂曰其俗豈謂是耶居郡求姦事最急苟有
萌孽一切撻發窮治之屬縣翁源多虎公教捕之令欲
媚公言虎自死者五輿之致州為頌以獻公使歸之曰

政在德不在異州有屯兵五百人代者久不至欲謀為
變事覺一郡皆駭公不為動獨取其首五人即日斷流
之或請以付獄公不聽既而聞其徒曰若五人者繫獄
當夜劫之然後衆乃服詔居南方雖小州然獄訟最多
號難治公既以才能治之有餘遂以無事又因民之暇
時為之理營驛表坊市道巷使皆可以久遠為後利歸
丁衛尉府君憂服除通判江寧府改都官員外郎二千
石常以事倚公公亦為之盡寶元元年二月二十三日
以疾卒於官享年四十六母謝氏封永安縣君娶徐氏
又娶吳氏封長壽縣君子男七人曰安仁曰安道曰安
石曰安國曰安世曰安礼曰安上女一人嫁張氏處者

三人安石今為大理評事知鄞縣慶曆七年十一月上
書乞告葬公明年某月詔曰可遂以其月某日與其昆
弟奉公之喪葬江寧府之某縣某處吾嘗聞鄉里長老
言公為人個儻有大志在外當事輒可否矯矯不可撓
及退歸其家歛色下氣致孝於父母致愛於族人之間
委曲順承一以息自克位不滿其意故在外之所施用
者見於小而已今吾所書是也其大可知則家行最篤
已先人嘗從公遊其言亦然而吾又與安石友故得知
公事最詳其將葬也使者以安石之述與書來請銘遂
為之銘其尤可哀者也

公堂有母老不覺哀公庭有子仁孝而才世所可喜公

兩棄之莫不皆死公有餘悲

衛尉寺丞致仕金君墓誌銘

今上皇祐二年祀明堂推恩群臣祕書丞金君得以其
父為大理評事致仕五年郊金君為太常博士又得以
其父為衛尉寺丞惟衛尉府君諱某字溫叟浮梁人初
君之考贈大理評事諱某有三子伯曰鼎臣為某軍節
度掌書記仲曰汝臣為太常博士季即君兄弟俱舉進
士書記與仲既起家君因不復肯就舉曰吾兄弟不可
俱去吾親也後三十餘年卒以有子為丞云君有四子
曰君著曰君佐曰君卿博士也曰君佑兄弟又皆舉進
士博士既有名秩于朝三子皆復養於家蓋其父子兄

兄弟之出處如此何其相似也當是時宋興已百年博
士方以林自起於賤貧歆以其所為為天下慨然有志
者也君獨自得於大山長谷之間日從子孫來四方之
客與夫鄉人之老詩書搏席之側嘯歌息偃以忘其年
隕然遂其志者也遭天子既宗祀明堂碩朝士大夫皆
褒崇其親歆以風示天下命書寵章降于其家顯榮一
時壽考康寧有孫有曾以承以翼何其祥也君為人簡
易無町畦能事父兄衣食奉養自與者嘗取其簿嘗有
盜其牛羊已又盜其所乘馬者君知之皆不校盜卒自
悔以伏蓋君之質與其恕又有足多者如是也生於淳
化之庚寅卒於嘉祐之丁酉遺命三月而葬從薄遂以

其年十二月四日葬于饒州浮梁縣萬戶山之前夫人徐氏累贈壽安縣君君之歿也有子四人女六人孫男九人女十二人曾孫男三人女二人金氏或曰出少昊金天氏或曰出漢侍中純侯傳至孫則亡至曾孫復侯而純侯有弟倫倫子若孫四世六人皆侍中以忠孝名尊顯於世世稱金氏云至君之先皆家京兆唐僖宗時有令浮梁者遭黃巢亂徙人築險自保所活人以數萬因留治之九十有七年遂家浮梁以功至檢校尚書右僕射昭信軍節度使諱某君曾祖也子諱某君祖也傳士以君之外孫尚書屯田員外郎臧論道之狀未屬曰子為我銘吾親吾死足矣鞏不敢辭銘曰

卑少恭老惟物之常即強棄父廼理之亡帝用慨然尊
祀明堂碩饗耄壽風示九有君勢之亨與享其榮擁笏
魏巾於家以息有子有孫嚴嚴我側志無不得君子之
詳銘以發之君子之光

撫州金谿縣主簿徐洪墓誌銘

嘉祐元年虔州安遠闕縣令建安徐洪以撫州金谿主
簿攝安遠事明年八月十一日死安遠十二月其父尚
書屯田郎中舉以書告君之故人南豐曾鞏曰子為我
銘洪之墓遂考次君世序行已歷官卒葬之終始銘於
其墓曰君曾大父某某官大父某某官君字孺興為人
有大志讀書好其治亂得失之大旨為文長於辨說其

奔放馳騁上下反復之際有足壯也未冠聲號聞四方
初中進士除洪州司戶參軍不就退居大江之南好個
儻非常之奇節不肯少屈於人居八年以父命始強出
為主簿非其好也君居家遇人無親疎豁如也樂於人
之急為主簿不以非其好故怠其意其治能有愛於人
金谿富人錮山林之利數十年君始奪之而縣之貧人
賴其利益君之所試者小其為日又近而其所既立如
是也享年三十有二死之若干日葬饒州鄱陽東門外
母某氏某縣君妻凌氏黃氏男一人曰還孫始二歲女
四人尚幼也銘曰

嗚呼懦興志果而大不勝于柔以窳其外不隕其剛以

享于內胡短其施而多其與父老天子兒嬰失父維銘
告哀以納于墓

太子右司禦率府副率致仕沈君墓誌銘

君諱某字某姓沈氏沈氏自齊太子家令約家於吳興
故世為吳興人至君之大父諱某考諱某始自吳興之
東林徙家於錢塘故今為錢塘人君以宗室密州觀察
使宗旦息即其家得為太子右清道率府副率致仕又
以祀明堂恩遷太子右司禦率府副率兼官檢校國子
祭酒兼監察御史階銀青光祿大夫勳武騎尉蓋密州
觀察使宗旦者今天子之姪潞王之孫而其母夫人蓋
君之姪也君為人質朴無外飾其居鄉間寬然長者也

其事父凡能力以嚴厥族人能愛以均雖饒財為大家而衣服飲食自與尤寡約至人有急歸我則推財赴之無錙銖頤惜意憐里歲饑輒發倉以救人有欺其財者皆不校既老治其家事不肯懈曰吾先人之所以付我也處其子孫不以逸曰所以使汝守吾先人之法也嘉祐二年三月一日以疾卒于家享年七十有六其年十一月十五日葬錢塘之西城初娶吳氏再娶車氏某縣君其葬也吳氏實從子三人曰曄曰暉曰時孫八人曰沔曰溱曰沂曰淑曰灌曰湜曰漸曰渥曾孫三人曰師楊曰師荀曰師軻時沔沂皆舉進士餘亦皆有學行蓋君之教也銘曰

赤赫宗子保藩于密天子曰嘻汝惟沈出子假汝寵錫
其外親東宮之屬有長衛軍命君于家俾休其老以偃
以側服章華好天子命我匪我有求隕然順退媚于林
丘不蘊為機不阻為畦曰遠無仇曰近無疵里巷之依
惟此令人流聞餘澤化其子孫惟身之祥既壽而康惟
後之祥宜熾而昌惟墓有域其藏有石刻此銘詩昭示
無極

寶月大師塔銘

君名脩廣字叔微杭州錢塘人姓王氏九歲出家學佛
居州之明慶院十一歲落髮為僧景祐二年詔賜紫衣
五年又賜號寶月大師治平某年州選為管内僧正熙

寧元年十月感疾癸丑會門人與常所往來學佛之人
告以將終其夕沐浴易衣正坐而卒享年六十有一門
人曰慈化大師了性曰崇照大師了然曰賜紫衣了蘊
以明年某月某甲子為塔葬君於某縣某鄉某原君為
人樂易慈祥有智識度量人不見其喜怒讀五經略知
大義頗喜為詩少羸多病始學為醫既成而有疾者多
歸之無貴賤貧富皆為之盡其術未嘗有所厚薄尤貧
者或資之衣食以其故自京師至于四方自公卿至于
學士大夫多知其名既見皆樂從之游而鄉邑之人至
于羈旅游客其歸之者無不厭其意君於接之雖勞未
嘗有解卷不訖之色於資之藥物衣食雖窮無未嘗有

所計惜其應外者如此及退而處夫貧富死生之際又有所不累其心故至於不能自給而未嘗動意至於且死而未嘗改容变色噫是非可銘也欵銘曰
不以貧故累其心此學士大夫所難至於遭死生之變而不驚又難也君之學不同而自得者則然固不可以無傳况於名聞於世行信於人故為之書尚使長存

卷之十五

一、
二、
三、
四、
五、
六、
七、
八、
九、
十、
十一、
十二、
十三、
十四、
十五、
十六、
十七、
十八、
十九、
二十、
二十一、
二十二、
二十三、
二十四、
二十五、
二十六、
二十七、
二十八、
二十九、
三十、
三十一、
三十二、
三十三、
三十四、
三十五、
三十六、
三十七、
三十八、
三十九、
四十、
四十一、
四十二、
四十三、
四十四、
四十五、
四十六、
四十七、
四十八、
四十九、
五十、
五十一、
五十二、
五十三、
五十四、
五十五、
五十六、
五十七、
五十八、
五十九、
六十、
六十一、
六十二、
六十三、
六十四、
六十五、
六十六、
六十七、
六十八、
六十九、
七十、
七十一、
七十二、
七十三、
七十四、
七十五、
七十六、
七十七、
七十八、
七十九、
八十、
八十一、
八十二、
八十三、
八十四、
八十五、
八十六、
八十七、
八十八、
八十九、
九十、
九十一、
九十二、
九十三、
九十四、
九十五、
九十六、
九十七、
九十八、
九十九、
一百、

元豐類藎卷之四十五

誌銘

金華縣君曾氏墓誌銘

夫人嫁王氏為侍御史諱平妻姓曾氏泉州晉江人祖諱穆殿中丞追封魏國公考諱會尚書刑部郎中集賢殿脩撰追封楚國公皆累贈太師中書令兼尚書令妣黃氏楚國太夫人未嫁承順父母盡子道既嫁夫家貧養姑盡婦道輔其夫盡妻道夫死寓食於穎以勤儉積日大其家以誘教不倦成其子又可謂盡母道也蓋其子五人回向固同罔皆有學行回有道為儒宗向罔尤有文三人皆身在隱約而聲震天下於是時夫人兄曾

公公亮實為宰相當國然夫人處里舍彌約未嘗以為
泰及其後回向同罔皆蚤世人以為難處夫人能自廣
以理未嘗亂其志教養其孫至男有立女有歸熙寧之
間魯公告老以太傅侍中就第夫人少魯公一歲食其
子祿皆居京師二人白首相碩怡然元豐元年春魯公
薨四月丁卯夫人亦以疾終春秋七十有九夫人以夫
恩封金華縣君以魯公恩賜冠帔子回忠武軍節度推
官知陳州南頓縣事向峽州硤石縣主簿固大名府軍
巡判官國子監主簿同陳州宛丘縣令罔蔡州新蔡縣
主簿女嫁太子右贊善大夫陳臻古孫五人泌汾汶沂
瀘汾郊社齋郎汶試將作監主簿夫人既卒之明年某

月某甲子葬穎之汝陰縣懷音鄉南高村附御史之兆
其將葬也固以狀求乞銘惟夫人為子若婦若為妻母
皆盡其道於難阨流寄之中能立其家成就其子所以
自處於通塞之際者無不當於理是其智術德性過人
遠甚宜得銘且余實與其子遊最舊乃不辭而為銘曰
曾禹之苗氏自郇子或言厥志有稱闕里或以孝顯於
經實紀或守所聞羞踐霸軌遙遙千載歷世有聞自荆
祖粵篤生夫人楚公之子魏公之孫魯公維伯御史是
嬪迺立厥家自墜而興迺教厥子自幼而成卷服貂冠
伯也在廷子也在幽碩實洪聲莫親已宗莫重夫氏兩
有其盛在誰與碗維能既試維德寔字尚寵爾從列銘

陰墟

壽安縣君錢氏墓誌銘

劉凝之仕既齟齬退處廬山之陽初無一畝之宅一廛之田而凝之置器然樂若有餘者豈獨凝之能以義自勝哉亦其妻能安於理不戚戚於貧賤有以相之也凝之晚有宅於彭蠡之上有田於西澗之濱子進於朝廷薦於鄉閭凝之夫婦康寧壽考自肆於山川之間白髮皤然躄不知駕乘之勞心不知機樞之畏世人之所慕者無慊焉聖人之有所不能及者獨得也其夫婦如此可不謂賢哉熙寧九年凝之年七十有七哭其妻之喪自為狀次其妻之世出行事來乞銘子為之因其言而

識之曰夫人姓錢氏考內殿崇班穆祖考內閣使昭晟
曾祖考宣德軍節度使同中書門平平章事湛高祖士
越文穆王元瓘夫人色莊氣仁言動不失繩墨居族人
長幼親疎間盡其宜事夫能成其忠教子能成其孝是
皆可傳者也夫人年七十有三卒於四月之庚子而葬
於其歲某月某甲子墓在南康軍西城之某原初以凝
之恩封壽光縣君再以子恕恩封壽安縣君有子曰恕
祕書屯曰格鄉貢進士皆以文學顯於世女嫁進士徐
彥伯又子中允黃蘆孫某某凝之名渙焉州某人今為
尚書屯田員外郎致仕銘曰

士不苟合安於賤貪其難其豫絲媿有人維不終窶又

壽以康有續孔辰既廢而臧女迫而求獨優以取世一
以處獨肆而有士也則然女實作十考則錢媛尚配于
古

天長縣君黃氏墓誌銘

夫人姓黃氏福州福清縣人祖諱某考諱倫皆仕閩越
夫人嫁同縣林氏為殿中丞諱某之妻婦尚書屯田員
外郎諱某之妻有子曰槩為太常博士集賢校理有孫
八人曰希宣州涇縣主簿編校集賢院書籍曰旦明州
象山縣令曰邵杭州南新縣令曰顏許州臨川縣令曰
稽曰雄未仕也其二人早卒有曾孫士有二人曰睿慮
虞虞虞曾據處其三人亦早字夫人年七十有七治平

四年正月癸丑卒於京師之昭化坊累封嘉興天長二
縣君始殿中府君與其配福清縣太君鄭氏皆春煠高
安其鄉里不肯出屯田府君乃從事漳州泉州興化軍
踰二十年終養而後去夫人能盡其力治飲食衣服以
進及喪能盡其哀皆如其夫之志其子既就學夫人常
夜治絲枲居其旁以勉之至其後其子遂以文學名天
下既而其子不克壽屯田府君亦卒于官諸孫皆幼夫
人已老矣乃捫吾郡斥賣替珥以經理其家絲蓄粒聚
至有田以食有宅以君平晷日夜課諸孫以孝有不中
程輒朴之及長遂多知名連以進士中其科涇縣復校
書集賢世其父職夫人乃頌諸孫謂曰吾始得事祖姑

今得弄曾孫遂保有汝家起于既墜吾老且死不恨矣
涇縣既服夫人之喪以其柩歸吳郡寶華山某年某月
某日附屯田府君之兆而屬余銘銘曰

女職在宮行止于柔扶微林阨則匪我謀勢有孔棘義
不得寧任重于已振壞為興我儲我積乃續烝嘗我字
我飭乃襲印章蒼顛秀眉燕其作止其燕伊何維終受
祉稟仁且智疇濟登茲播告無極視此銘辭

仁壽縣太君吳氏墓誌銘

仁壽縣太君撫州金谿吳氏尚書都官員外郎贈尚書
刑部侍郎撫州臨川王公諱益之夫人衛尉寺丞諱用
之之婦年六十有大嘉祐八年八月辛巳卒于京師十

月乙酉葬于江寧府之蔣山夫人好學強記老而不倦其取舍是非有人所不能及者然好問自下於事未嘗有所專也其平生養舅姑甚孝蓋侍郎七子而少子五人吳氏出也然夫人之愛其長子甚於少子曰吾愛之甚於吾子然後家人愛之能不異於吾子也故其子孫已壯大有不知為異母者居久之二長子前死夫人已老矣每遇其鬻婦異甚而身為字其孤兒忘其力之憊也其處內外親疎之際一主於息有譏訕踞罵已者數困苦常置之不以動聲色亦未嘗有所含怒於後也有以窮婦已者急或分衣食不為秋毫計惜以其故至不能自給然亦未嘗不自若也其嫁三從之孤女如已女

而待長子之母族如已族蓋篤行如此而天性之所有也其自奉養未嘗擇衣食其視世俗之好無足累心者方其隱約窮匱之時朝廷嘗選用其子堅讓至於數十或謂可強起之夫人曰此非吾所以教子也卒不強之及屢顯矣其子嘗有歸志而以不足於養為憂夫人曰吾豈不安於命哉安於命者非有待於外也其子為知制誥故事其母得封郡太君夫人不許言故卒不及封此夫人之德見於行事之迹而余以通家故熟於耳目者也夫人之考諱叟叟之配黃氏兩人者皆有善行鄉里稱之而黃氏兼喜陰陽數術學故夫人亦通於其說七○者曰安仁安道安石安國安世安礼安上安仁宣

州司戶參軍安石尚書工部郎中知制誥安世太平州
當塗縣主簿安禮大名府莘縣主簿餘未仕也女三人
長適尚書虞部員外郎沙縣張奎次適前衢州西安縣
令天長朱明之次適揚州沈季長孫男九人曰雱專旁
旄旂防狩旂放孫女九人長適解州安邑縣主簿徐公
翊次許嫁太廟齋郎吳安持餘尚幼銘曰

嗟若人兮洵好善兮始終一德仁七子兮遺棄細故薦
九族兮說珥推食先惠施兮以義易利能無累兮縱心
委命志彌邵兮謂宜百歲奄忽逝兮風有采蘋經所首
兮原念美實輯此辭兮庶幾德音與古對兮

壽昌縣太君許氏墓誌銘

夫人許氏蘇州吳縣人考仲容太子洗馬兄洞名能文見國史夫人讀書知大意其兄所為文輒能成誦父母衣食服御待之而後安既嫁博行孝謹宜于其家其夫為吏有名稱夫人實相之及春秋高於內外屬為高曾○行而慈幼字微愈久彌篤故親踈懷附無有惡數昔先王之治必本之家達於天下而女子言動有史以昭勸戒後世以古為迂為政者治吏事而已女子之善既非世教所獎成其事實亦罕發聞於後其苟如此其衰微所以益甚則夫人之事其可使無傳也哉夫人嫁沈氏其夫諱周太常少卿贈尚書刑部侍郎其舅諱某贈兵部尚書杭州錢塘人夫人封六安縣君壽昌縣太君

年八十有三熙寧元年八月丁巳卒於京師三年八月
某甲子合葬杭州銘塘縣龍車原子曰被國子博士有
吏材曰括揚州司理參軍館閣校勘有文學其幼皆夫
人所自教也女二人蚤卒銘曰

生民之治又本于身教行于家餘以為人世弊俗偷怨
于在已內替常度外彊于理淑惟壽昌李與心成薦于
孝慈匪勸而能有翼于夫有迪于子尚類古人其傳以
此

德清縣君周氏墓誌銘

夫人姓周氏湖州長興人曾大父諱某大父諱某父諱
某嫁同縣陳氏為秘書省著作佐郎諱某之妻為人柔

媿靜莊在父母家至歸于夫氏本於自脩而卒於能孚
于屬人陳氏有似婦寡居當家事夫人常曲意下之於
事常退避不敢與似婦以其故碩夫人甚懼而親踈觀
者莫不悅著作有田數千畝而愛士好施夫人常悉力
助之以其故至不能自給而夫人處之自若遇子之非
已出者與已子無毫髮厚薄意人以為過人而夫人若
有所不及也享年三十有五封德清縣君子曰樞為尚
書屯田吳外郎曰楷曰權未仕也卒於慶曆五年之二
月辛丑葬於熙寧三年之三月庚申其墓在長興縣永
昌鄉卞山之陽銘曰

嗟淑人体明德外惟均內自克不永年隕嬪則兆親宮

藏石刻

夫人周氏墓誌銘

夫人諱琬字東玉姓周氏父兄皆舉明經夫人獨喜圖史好為文章日夜不倦如學士大夫從其舅邢起學為詩既嫁無舅姑順夫慈子嚴饋禮諧屬人行其素學皆應儀矩有詩七百篇其文靜而正柔而不屈約於言而謹於禮者也昔先王之教非獨行於士大夫也蓋亦有婦教焉故女子必有師傳言動必以禮養其德必以樂歌其行勸其志與夫使之可以託微而見意必以詩此非學不能故教成於內外而其俗易美其治易治也茲道廢若夫人之學出於天性而言行不失法度是可

賢也已其夫來乞銘予與之親且舊故為之序而銘之
蓋夫人之王父諱協為尚書刑部郎中父約今為尚書
虞部員外郎青州益都人也夫人嫁閔氏為徐州豐縣
令景仁之妻為尚書職方員外郎贈尚書都官郎中諱
魯之子婦生一男二女年二十有六卒於治平二年之
九月某甲子葬於杭州錢塘縣獲泰鄉葛松原實某年
某月某甲子閔氏錢塘人也銘曰

女有圖史傳于師氏其勸以樂其康以禮能此非他繇
學而已王政之興蓋自此始今孰登茲維周之媛學繇
自好終之不倦言循于矩行循于典尚配古人輝光日遠

永安縣君謝氏墓誌銘

宋故衛尉寺丞王公諱用之之夫人尚書都官員外郎
贈尚書工部郎中諱益之母姓謝氏累封永安縣君其
卒皇祐五年之六月十四日其葬於撫州金谿縣某鄉
某原既卒之百有五十日也其子曰益曰某皆已卒
曰某曰某曰孟楚州司理參軍亦已卒其孫曰安仁宣
州司戶參軍曰安道皆已卒曰安石殿中丞通判舒州
曰沆荆南府建寧縣令曰安國曰安禮其曾孫曰某曰
某曰某其墓工部故人之子曾鞏誌之曰王氏由工部
之叔父尚書主客郎中贈太常少卿諱觀之始起家為
能吏遂追榮其父諱某為尚書職方員外郎至于工部
父子遂皆進于朝為聞人其世浸大夫人及拜其舅與

夫之榮其享其子與孫之祿其壽至于九十其卒於撫
州之臨川安於其寢余既與夫人之諸孫遊而嘗得拜
於堂上見其色和其容謹聞其言儉而勤退而聞其為
婦順為母慈知其所以享其福祿者其宜也已 余觀
詩人之歌其后妃至于諸侯大夫之妻內脩法度輔佐
其夫而其効之見則兔置之人至于江漢汝墳之婦女
皆承其化而篤於禮余固歎其當是之時上下之間內
外相飭何其至也如夫人之資而使出於其時則又有
歌於風而被之于無窮之事若余之鄙其亦曷能知其
所至也哉謝氏之祖曰其考曰其銘曰
士顯其施其行易知女處于私其有孰窺嚴嚴秀目不

見缺虧曷以長之眎此銘辭

永安縣君李氏墓誌銘

夫人姓李氏其先燕人而今家許州之長葛贈太子太傅諱譚之曾孫贈禮部尚書諱運之孫贈刑部尚書諱昌言之女而母晉平縣君聶氏也夫人嫁駱氏駱氏亦家許州之長葛其夫諱與京為某官檢校某官知某州享年七十有九封永安縣君有子男四人長吉逢吉元吉皆三班奉職早卒嘉福今為右班殿直女三人亦早卒夫人以嘉祐八年十一月丙辰卒于其家之正寢而以熙寧二年十月葬於許州長社之舞鸞鄉白兔里祔駱侯之塋夫人仁孝慈恕言動必擇義理事父母不違

其教事舅姑不違其志事夫順而有以相其善遇子至于內外屬人一以恩而不違於禮初刑部之兄昌齡當太宗真宗時輔朝政李氏族大而貴然刑部嫁女常擇寒士而至其後多為名臣范文正公仲淹鄭文肅公叡與駱侯是也夫人之弟光祿少卿禹卿余妻父也實葬夫人故屬余銘銘曰

性有能否行有失得一當於理士有不克淑哉夫人秉是壺彝周旋大小無過無虧貴不稱德壽則謂遐維蔽在許永裕厥家

試秘書省校書郎李君墓誌銘

君諱迂字明遠姓李氏為人孝友慈怒讀書務大旨生

五代之際再試明經不合退居楚立有田百餘頃皆推
與其族人獨留五頃而已曰無令子孫以財自累也宋
初秘書監彭君薦其行義詔以為試祕書省校書郎而
君終不肯強起淳化三年壬辰九月二十一日以疾卒
于家享年八十有四維李氏遠出於臯陶而其後李耳
之孫曇為秦司徒曇子璣璣子牧事趙始家趙郡牧子
汨汨子左車於趙號廣武君廣武君子遐涿郡太守遐
子岳諫議大夫岳子秉穎川太守又徙家穎川秉七世
子膺河南尹膺子瑾復家趙瑾曾孫楷晉治書侍御史
有子五人曰輯晃芬勁叡以所居巷東西自別故勁稱
西祖勁子隆後魏臯城令隆俊九世棲筠唐御史大夫

贛皇文獻公文獻公子吉甫相憲宗吉甫子德脩楚州
刺史德裕相文宗武宗楚州子煜宋州宋城令君曾祖
也又徙家宋之楚丘故今為楚丘人宋城子確萊州膠
水令君祖也膠水子譚磁州邯鄲令君考也邯鄲之少
子運為太常少卿有子曰昌齡太宗真宗時為尚書戶
部侍郎參知政事故膠水贈太子少保邯鄲贈太子少
傅君娶丁氏王氏王氏有子曰昌震為建州松溪令贈
尚書駕部郎中駕部有子曰漢卿今為諸王府侍講尚
書虞部員外郎虞部有子曰彥龍彥龍復有子四人矣
君卒後七十四年治平三年丙午四月某甲子虞部葬
君於開封府開封縣保安鄉永寧里之原以王夫人從

銘曰不累於物全吾質兮不羈於世遂吾志兮作宅新
原維孝孫兮納銘幽禱永淑聲兮

試秘書省校書郎李君妻太原王氏墓誌銘

夫人姓王氏太原人嫁趙郡李氏為磁州邯鄲令贈太
子少傅諱謹之冢婦試秘書省校書郎諱迂之妻為人
明識強記博覽圖籍子孫受學皆自為先生其行仁孝
慈恕始於為女中於為婦終於為母無不盡其道享年
八十大中祥符三年庚戌十二月己巳卒於魏州盧氏
縣其子之官舍子曰昌震建州松溪令贈尚書駕部郎
中駕部子曰漢卿令為諸王府侍講尚書虞部員外郎
虞部嘗為李氏九世譜其博而許多夫人之所為言也

治平三年丙午四月丁酉虞部以夫人之喪授校書君
葬於開封府開封縣保安鄉永寧里之原銘曰

嗚呼夫人既有其質又賜爾力古有遺辭罔不采獲克
踐以躬亦畀爾息維瘞有銘尚以載德

池州貴池縣主簿沈君夫人元氏墓誌銘

夫人姓元氏錢塘人祖諱德昭事吳越國王錢氏宋興
贈太保考諱好文尚書比部員外郎贈某官嫁吳興沈
氏其舅為尚書屯田郎中諱某一作王其夫為池州貴池
縣主簿諱播夫人在父母家內外上下親疎長幼皆宜
之年十有七而嫁既嫁如在父母家時貴池君早喪無
兄弟大夫人春秋高諸子尚幼夫人年三十餘於羈旅

單獨之中闔門事姑能盡其孝教養諸子至其後皆為
成材能世其先人方其憂戚難阨之時人恐其不能堪
夫人既奮厲經理以保有其家又退能自安不亂其志
是人之所難而其後世之不可以無述者也夫人年七
十以治平二年某月某日卒卒之若干日葬真州揚子
縣甘泉鄉三城里北山之原子男四人皆進士曰伯雍
未仕曰季長越州司法參軍曰林通祕書省著作佐郎
曰次通試將作監主簿貴池君於先人為同年友而諸
子又與余遊故為銘銘曰

元出於危於東得姓有保有郎重世之盛允淑夫人集
享家慶來嬪沈宗作德維令慶平不盈在險能正姑曰

徵婦余老誰據子曰徵毋余勿誰怙自振單弱卒持艱
急老肆而安勿強以立實保沈宗自替而昌有烈如此
何愧丕嘗後世原美孰可無述刻辭幽宮庶幾不沒

雙君夫人邢氏墓誌銘

夫人邢氏無為軍巢人也嫁為贈大理寺丞姓雙氏諱
華之妻封萬年縣太君子男三人曰漸為尚書屯田員
外郎通判吉州軍州事餘未名皆早夭夫人年八十有
六嘉祐四年九月二十七日卒為宣州之官舍六年十
二月二十七日葬于無為軍巢縣無為鄉惲良里之原
方大理府君之在隱約屯田始就書學夫人能經理其
家使無內憂以卒就其志及屯田有列於朝夫人食其

祿養就封大縣實受成報天之施與善人豈非信哉夫
人之在疾也屯田之配長壽縣君陳氏共養營救有過
人之行州上其事天子聞而嘉之勅州使致粟帛賜其
家於是人知夫人之善不獨能成其子又能化其家也
銘曰

允淑夫人秉是壺爨有譚車服維寵嘉之葬有卜壤其
吉在斯推求美實眎此銘辭

旌德縣太君薛氏墓誌銘

夫人姓薛氏累封旌德縣太君為故太子右清道率府
副率致仕贈右監門衛將軍姓段氏諱某之妻今提點
江南東路刑獄公事禮賓副使名某之母某州某縣人

也大父諱某當吳越錢忠懿王時娶王女為主國官父
諱某祥符初為東頭供奉官供奉常將屯宮門而監門
之父右班殿直諱某者屯三陽二人者以意氣喜相得
也遂以夫人歸段氏夫人性柔淑能和其屬人自珮服
擗珥凡資已者常出於儉而有餘好施雖盡費不以為
後也生男一人禮賓也女二人長適開封黃思問次適
吳郡潘孝孫皆進士夫人年四十有三大中祥符七年
五月某甲子以疾卒於京師之敦教坊某年某月某甲
子祔其夫人柩葬於某州之某縣某鄉某所之原前葬
禮賓稱夫人之行與其世序封號之詳託銘於南豐曾
鞏為述而銘之曰約乎已原乎人發其積在子孫辭兮

翟列封君碣石塚銘文

永興尉章佑妻夫人張氏墓誌銘

夫人姓張氏建安人父諱士龍舉進士嫁同郡章氏為永興尉佑之妻所出三男四女曰造适述皆舉進士造及第為清海軍節度掌書記女嫁俞瑾徐立之陳震亦皆舉進士其一蚤死初永興府君起家二十年止於為尉及死三男尚幼造既起又蚤死已而适亦死夫人維能忘其貧所以使其夫能屈於小官而說維能務其生所以使其子能安於幼孀而成維能順其性所以居流離顛頓之間而不為悲哀愁憂亂其志也其為人卑極於順其為人尊極於慈推於其疏宗遠屬之間極於愛

男之有不能葬者為葬之女之有不能嫁者為嫁之忘其力之匱而為之也此皆古今學士儒者所難而女子之善能如此此非可銘者欤嘉祐二年十一月三十日卒於洪州之私第即以其年十二月十八日葬于洪州某州之某鄉其原銘曰

彼以吾窮我以吾仁二者皆天吾樂而因壽止七十豈不得年維其有之愈速弥傳

福昌縣君傅氏墓誌銘

福昌縣君姓傅氏會稽人尚書職方員外郎霖之女同郡尚書職方員外郎闕公魯之妻後闕公五年至和三年二月丙申卒于家年六十有四子男八人景榮景元

景仁希聲祀景山景宣景良女一人景華嫁著作佐郎
史叔軻福昌君在家為父母所器異既嫁而夫屬無退
言布衣惡食身治細微故闕公之祿及其疏昆弟姊妹
之孤其事闕公正以從其教子慈以肅闕公起進士為
郎為池台兩州年八十以歸日吾少得盡力于官而老
得自休于家不以家事累吾志者以有夫人也八子學
行備立景芬希聲祀同時皆中進士夫人之卒景芬為
江陰尉希聲寶應尉祀和州判官景元亦以父恩為廣
德尉皆能其官景仁而下皆有聞於人實受教於夫人
也始開公既貧而孤其仕與婚又皆後至其終有百口
為大家福昌君維厚勤薄養所以經理其微維可否以

明行止以公善訓能使誠恕愛人所以使其家有節法
以有其成也某月甲子從葬錢塘之某源其子來屬以
銘景宣予妹婿也宜為銘其辭曰

閔氏爰昔始如萌芽台州奮拔垂實敷華進勤退佚不
卹其家絲媿有人作其內治孰致其休不懈于勤孰致
其隆不簡于細高明純約坦坦其夷無怨無疵小大化
之有容有則婦子順之公為朝老子宦以成象衣華軼
我止我行巍冠文笏我翼我承公曰微子誰據誰依子
白微毋莫濟登茲云誰無母其孰無妻為妻為母如我
誰亢生雖有止存也其長鴻鴻號聲垂此銘章

沈氏夫人墓誌銘

夫人姓沈氏其先家于越之會稽曾祖仁諒令海州之
胸山徙家于和州歷陽故今為歷陽人祖平贈尚書刑
部侍郎父立今為右諫議大夫判都水監母馮氏濮陽
縣君董氏仁壽郡君夫人年二十有二嫁揚州進士朱
延之有子三人寅萬廣女五人尚秀夫人年四十有五
卒於熙寧元年十一月之庚辰葬於某年某月之某甲
子其墓在揚州天長之秦蘭里夫人為人柔閨靜專事
父母盡子道事姑長興縣太君賈氏盡婦道事夫盡妻
道為母及與內外屬人接一皆盡其道故其處也愛於
其家其嫁也夫之屬人上下遠近皆愛之而其歿也哭
之者皆哀是不宜無銘而朱君余舅也屬余銘銘曰

媛維沈女經德以身柔懿靜簡一作後有子詵詵琢詩告美愈遠彌新

壽安縣太君張氏墓誌銘

夫人姓張氏濟州鉅野人嫁為同郡尚書駕部員外郎贈開府儀同三司吏部尚書晁公諱遵之夫人而為贈太傅諱佺之子婦有子男四人曰宗曜進士曰宗恪光祿少卿曰宗愿真州軍事推官曰宗懿尚書司門員外郎女一人嫁進士桑况夫人初封清河縣君累封清河壽安縣太君年八十有七卒於熙寧二年之十一月某甲子葬於某年之某月某甲子其墓在開封府祥符縣旌孝鄉合儀同之兆卒時子宗曜宗愿皆已死既而光

祿居喪以疾亦死而諸孫男女凡三十人男多以仕女
多已嫁矣夫人為人仁厚莊靜自為女及既嫁處內外
親尊卑
幼
祭無不當於禮而恩稱之其長者
皆以為善事我而平居為孝夷及少者莫不願以為婦
也雖老未嘗懈而雖疾未嘗有墮容維其初終受養收
封既壽而康實備成福可謂盛矣余之亡妻於夫人之
孫女為第三而光祿之長女也知夫人之行為尤詳故
為之銘曰

女媵張氏處躬以厚來嬪晁宗太傅維男儀同維夫鄉
士維子有孫誥誥亦紹厥美累封備養維康以壽德則
既成福亦多有納詩新截尚告爾後

元豐類藁卷之四十五

元豐類藁卷之四十六

誌銘

亡兄墓誌銘

君姓曾氏諱暈字叔茂有智策能辨說其貫穿反復人莫有能屈之者身窮為生事或毛密應之無留而讀書理筆墨交賓客又思事未至當何如亦不廢也歡愉憂悲疾病行徒寢食之間書未嘗去目故自上古以來至今聖賢百氏騷人材士之作訓教警戒辨議識述下至浮夸詭異之文章莫不皆熟而於治亂興亡得失是非之際莫不能議焉其文章尤宏贍環麗可喜三代遠矣漢以來世有成事就功名之時則賢臣謀士材技之人

同世並出常若有餘至時或無所用之則士雖徃徃有
紀而亦不俱見於世蓋陞窮頓委於曠播閭巷之中者
豈少哉如君之材知辯博又其學如此使得用其意於
乎其施設必有異焉然卒不克見於世蓋亦豈非其命
也夫君年四十有五皇祐五年以進士試於廷不中得
疾歸卒江州祖諱某尚書戶部郎中贈右諫議大夫考
諱某故太常博士娶李氏子曰堯曰黷女二人卒之歲
十二月某日癸建昌軍南豐縣之某鄉某原某里也弟
輩為某銘曰

世或湏人中士為材有非其應聖不能諧故君之學於
已為足而材與世為乖刻銘幽石維以告哀

故高郵主簿朱君墓誌銘

君諱某字齊卿姓朱氏其先家于彭城五代之亂徙于淮南今為淮南人曾祖某不仕祖某贈刑部尚書父某贈殿中丞君嘗試于祕書省校書郎蘇州之長洲尉高郵軍之高郵主簿以卒卒時乾興元年六月十九日也後卒之若于年其子象之東之升之延之奉君之喪葬天長縣之秦蘭里於是時象之某官東之某官以材名餘皆為士某官以書命鞏曰子其為我銘之而以狀言公之為人有智計喜施與少從師學問已而捨學業其家家之食口數百仰於君君能資之皆出乎衣食嫁娶皆有餘法殿中之弟工部侍郎巽初舉進士數困故不

復往君勸之曰第行無以廢為念故侍郎得曲就其志
至為達官大其家後卒官君既居官以材稱其為身務
於庶臨獄訟務為恕毋某氏旌德縣太君娶耿氏又娶
賈氏女歸太常博士吳祥柳州馬平知縣陳許池州推
官李樞其季婦于曾氏某之先君博士也勇氏實命鞏
銘其敢辭銘曰

推心於家其愛已享用力於官蓋以其餘得官於晚壽
五十四故不大顯以極其志

江都縣主簿王君夫人曾氏墓誌銘

試校書郎揚州江都縣主簿王無咎妻曾氏建昌南豐
人先君博士第二女也孝愛聰明能讀書言古今知婦

人法度之事巧鍼縷刀尺經手皆絕倫先君選其婿於
里中以歸王氏王氏家故貧曾氏為冢婦而其姑蚤世
獨任家政能精力躬勞苦理細微隨先後緩急為撙節
各有條序有事於時節朝夕共賓祭奉養撫其門內皆
不失所時將以恭嚴誠順能得其屬人其舅喜曰吾不
以家為卹矣其夫歎曰我能一意自肆於官學不以私
累其志曾氏助我也生二女年三十有三嘉祐四年五
月三日以疾卒十二月葬建昌南城曹大考尚書水部
員外郎諱仁旺大考右諫議大夫諱致堯先君太常博士
諱易占將葬江都告其兄輩使誌其墓天乎吾哭伯
姊姑踰暮又哭吾妹而誌之其可哀也已其可哀也已

鄆州平陰縣主簿閔君妻曾氏墓表

鄆州平陰縣主簿閔君景暉娶姓曾氏建昌南豐人尚書水部員外郎諱某之曾孫尚書戶部郎中直史館贈右諫議大夫諱某之孫太常博士諱某之女而輩之長姝也始吾姝為兒時育於祖夫人已不好戲弄及長喜讀書於女工之事不敏而自能為人進退容止皆有法度人罕見其喜愠之色內外屬皆嚴重之性儉素於紛華盛麗之際無所好其在父母及夫之家或蔬食不給處之晏然其推之於人雖資身之物不為秋毫顧惜計也其治女事尤勤雖勞不厭治家人之業雖煩細皆有條理養父母姑舅皆至孝姑久疾晝夜候省未嘗須臾

去其側藥食非親調不以進其於內外屬親疏皆盡息
意人皆以謂宜富貴壽考而卒不得至其所宜有嗚呼
其豈非命也歟嘉祐二年輦輿二弟得進士第南歸而
吾妹役景暉視余於淮南至真州得疾七月某日卒於
余之舟中年三十有二笑有女一人曰某始五歲景暉
以其喪歸六年十月丁酉葬於杭州錢塘縣履泰鄉龍
井原景暉之王考諱某考諱某皆尚書職方員外郎而
越之山陰人也吾妹既歿之六年景暉得進士第於是
時被命余校史館書籍皆會京師而余於其間再哭妹
又哭女與哭妻憂患之接於余者可謂多矣景暉之始
葬吾妹也來請銘不及余與之皆恨焉而其會京師以

歸也乃為之書吾妹之事以遺之而使表之於其墓上

故太常博士吳君墓碣

君諱祥字某始吳氏事宋為太常博士年六十二某年某月某日以官卒于家卒之若干日葬真州揚子縣之某鄉某原初君從進士試屢不中年四十餘始中第為吉州軍事推官歸以選為開封府開封縣丞大臣稱其材遂為祕書省著作佐郎知考城縣又知河中府之龍門縣再選為博士知蘄州之蘄水縣父喪陰朝京師疾作遂求歸真州真州君家也初君之屢斥於進士也既自力學問充其業又率其弟務刻苦養其親入其門內尊安其卑卑慕其尊一時皆稱之及從事於吉州弟已

死君夫婦痛自節衣食遂能嫁其孤女若干人皆不失
所時其在開封衣食常不自足而親戚舊故之至京師
者多以君為歸其喪父也以家之有無葬故葬不緩親
戚或憂其貧欲出錢為基扯謂君一強可以取其贏君
歎曰吾不敏既位於朝貧吾素也喪乃欲為利乎平居
恂恂不與犯者校及其自守人亦不能移也官歸常僦
屋以居既卒幾不能葬曾大父某大父某父某以君之
恩為大理評事妣某氏某縣太君太君之喪君致其哀
有過人者妻朱氏某縣君余姨也有助於君子曰某女
嫁亳州觀察推官張天經既葬某為碣於墓而與天經
來乞銘於鞏天經以材名人皆曰其尚能存君之家者

銘曰

維吾先君太王之嫡禪聖圖民於東甯跡其後孔蕃以
國為氏君紹厥宗其德則類儉著于家勤著于身不苟
其羸卒死於貧維時之人命士大夫編冠素蓋爭利於
塗曾不君慕顧或笑之非彼可議維世足歎較于銘章
君有則多以遺其孥非厚如何

知處州青田縣朱君夫人戴氏墓誌銘

知處州青田縣事天長朱君諱某之夫人曰高郵戴氏
年七十有七治平元年九月庚午以疾卒于楚州監倉
之官舍某年某月某甲子葬于天長之某鄉某原夫人
之考諱奎娶徐氏女夫婦皆有善行聞於其鄉夫人受

教於始笄從事於既嫁小而行修於身老而教行於家
故父母曰不遺吾憂舅姑曰能順吾志夫受其助子
以成其平居深靜有儀法不忘笑言就之色莊而氣仁
居貧自薄衣食而厚於施與屬人之孤女為收嫁者蓋
二人云既老矣女事不廢而婦容益恭雖少者有不及
也有子四人曰某曰某曰某早卒某某州錄事叅軍監
楚州裝卸米倉某衢州西安縣令皆及進士第好古而
有文夫人於某外叔祖母也故舅氏屬以銘銘曰

淑哉戴氏青田之助允直且仁蓄德于身為下肅祇為
上惠慈安意處貧薄已裕人其承有子以文起仕委髮
垂領享有多慶卜壤之良乃珉新堂刻此幽文美實長

存

亡姪韶州軍事判官墓誌銘

用石本按

覺姓曾氏吾兄之子也吾先人六子吾兄諱曄為家長
有材而不試以死覺自少則勵志力學問知道理善於
屬文及長慨然慕有為於世不肯碌碌為人恭謹循循
寡言治平二年及進士第為吉州司法叅軍有能吏名
用薦者為韶州軍事判官行至虔州得疾卒於驛舍熙
寧三年十一月己丑日也年三十有七覺字道濟建昌
軍南豐人皇考諱致堯太常博士曾皇考諱易占尚書
戶部郎中直史館贈右諫議大夫覺母李氏妻鄧氏憂
氏范氏有子修偃熙寧四年八月壬申葬于南豐龍地

鄉之源頭吾哀其若將有成也而止於斯故為銘其墓
曰

德累則厚方濟而隕材引則達未試而泯志氣不獲誰
云非閔墓石有文尚永來信

光祿少卿晁公墓誌銘

公姓晁氏其家先濟州之鉅野今為開封祥符人皇考
諱遘尚書駕部員外郎贈開府儀同三司吏部尚書皇
祖佺贈太傅皇曾祖諱憲贈某官公諱宗格字世恭少
以世父太子少保贈某官謚文元諱迥恩補將作監簿
十四遷至光祿少卿歷監單州應天府酒稅知蘇州之
常熟婺州之蘭溪縣事通判安州杭州事知通州虔州

提點廣南東路刑獄公事又知信州泉州享年六十有三熙寧二年某月某甲子卒于官四年某月某甲子與其夫人某縣君閻立氏合葬于杭州江都縣之廣陵鄉公為人樂易慈愨寡言笑人不見其喜怒遇事果於有為人亦罕能及者其為常熟修學校理溝防人賴其利為蘭溪繩姦字窮境內和洽通判安州安州政待公而決通判杭州州將矜己自肆上下莫能變公徐與之論可否語平而氣和符畏且從也繇是上下倚公以治至今杭人稱之其為虔州州近蓋多盜與訟公至修弛廢督姦疆威信盛行盜不敢發而獄無繫囚及在廣南其用法常寬而欲人自避曰治有先後緩急者謂此也其

視部吏孜孜恐失一善而惡人亦莫敢犯公法其為通判如廣南為信州泉州如度州所至人皆安公之政而去常思之蓋公之行已居官而見於事者如此而其大抵則於仁厚最隆也母張氏壽安縣太君子男二人曰仲景海州司理參軍曰仲孺試將作監主簿孫男三人曰端復曰端儼皆太廟齋郎曰某未仕也女六人長適太常博士集賢校理曾鞏銘公墓者也次適某官劉某某官高元振某官燕若齊今存惟燕氏婦餘早世閭立夫人為身治家皆應儀度卒於公歿之明年某月某甲子公歿家無餘財而仲景仲孺皆謹厚自刻勵能世其先人於是又知公之教行於其家也銘曰

晁世來西大有文元有卿有公繼屬綿綿曰卿謂誰時
維光祿作其德音先于外服其光伊何有善自身匪飾
匪雕璞玉之純治有息威時其張弛彼畏此懷吾寧一
理于虔于臬于領之南里安戶擾罔有不咸宜壽而昌
胡不百齡尚茲介祉維後之成

夫人曾氏墓誌銘

夫人吾從女兄也姓曾氏沈靜謹約不妄笑言遇人一
以懇於其內外屬之間孝友慈順無不當於理故與之
處者皆愛哭其死者皆哀嗚呼為女如是足以知其賢
又足以知吾之祖考以來教行於其家也夫人考諱某
皇考諱某尚書戶部郎中直史館贈右諫議大夫曾王

考諫某尚書水部員外郎建昌軍南豐人夫人嫁為同
縣朱君某之妻有子曰某曰某軾以文行稱於鄉有孫
曰京曰彥京為真州司法叅軍亳州教授夫人享年若
于某年某月某甲子卒于寢某年某月某甲子葬于南
豐之某鄉某原將葬軾以書來請銘余曰銘莫如余宜
為廼為其辭曰

女德在幽而始人倫詩有顯揚以立生民尚類于古淑
為夫人壺有彝則仔齊以身曾不蕃寵畀其子孫曾不
遘年善則長存維仲薦美列辭墓門

天長朱君墓誌銘

君姓朱氏諱延之字某其先彭城人今家於揚州之天

長縣曾祖某贈尚書右僕射祖某贈尚書工部侍郎考
某贈太子中舍母賈氏某縣太君君年若干卒于熙寧
六年六月之丙申葬於某年某月之某甲子其墓在天
長之同人鄉秦蘭里君聰明敏悟少力學問為文章數
就進士試不合乃嘆曰與其屈於人孰若肆吾志哉因
不復言仕方是時朱氏世以仕宦顯於淮南君居其家
尤孝謹慈良然與人非其意不肯苟合既果於自為而
其治見於家者規畫纖悉備具推之知其可任以事然
卒於無所遇君亦未嘗不自得也君少孤養母母之父
死歲久其喪寓於遠貧不能歸也君居窮經營卒能使
之返葬及晚而饒財又能樂賑施人以此多君之君娶

沈氏諫議大夫立之女早卒再娶王氏殿中丞鼎臣之
女子男四人寅萬廣寓皆有學行女五人許嫁進士蒲
希遠太廟齋郎馬其餘尚幼君余舅也故為之銘其墓
其辭曰

勢不云秦志則非屯彼輟之丹豈易吾仁廩有餘粟及
里與隣藏有圖書遺其子孫已則無憾尚異後人識美
幽堂日遠弥新

秘書省著作佐郎致仕曾君墓誌銘

君姓曾氏諱庠字明井建昌軍南豐縣人曾祖諱某尚
書水部員外郎祖諱某尚書戶部郎中直史館贈右諫
議大夫考諱某舒州軍事推官君進士及第歷郃州司

理參軍用薦者為衡州常寧縣令福州福清縣丞以疾
自陳遷祕書省著作佐郎致仕卒於熙寧九年十月某
甲子年五十有九以其年十一月某甲子葬南豐龍池
鄉之源頭母吳氏妻黃氏朱氏有子曰擴曰某曰某女
四人君少孤自感勵好學能文章為人聰明敏達喜事
有大志不肯少屈為吏以材稱治獄能盡其情為令丞
易散興壞綱紀具修吏不敢犯而民安之也有聲顯聞
薦者自許得人不幸不壽不克盡其用將葬擴來告曰
願有紀也迺為其銘曰

發其華見於文收其實見於事于其小綽有聞于其卓
屈不試尚不沒爵後昆矢以辭列幽隧

亡妻宜興縣君文柔晁氏墓誌銘

文柔姓晁氏諱德儀字文柔年十有八嫁令人時苦貧
食口衆文柔食菲衣敝自若也事姑遇內外屬人無長
少遠近各盡其意仁孝慈恕人有所不能及於擲珥衣
服親屬人所無輒推與之不待已足於燕私未嘗見其
情容於與人居未嘗見其喜愠折意降色約已以法度
學士大夫有所不能也為人聰明於事迎見立解無不
盡其理其槩可見者如此蓋天畀之德而天其年遺以
相余而李之蚤余不知其所以而又不自知其哭之之
慟也文柔以嘉祐七年二月甲子卒于京師年二十有
六余時校史館書熙寧四年追封宜興縣君十年二月

庚申葬于建昌軍南豐縣龍池鄉之源頭余時為洪州
文柔有子男曰綰太廟齋郎曰綜未仕也女慶老三歲
而死晁氏世家澶州清豐縣今為開封府祥符縣人文
柔曾祖任贈太師中書令祖邁尚書駕部員外郎贈開
府儀同三司吏部尚書考宗恪光祿少卿余南豐曾晁
子固也銘曰

人孰不貴子逢其窮世誰不壽子惟其凶維德日躋生
不見其止維聲日遠歿不見其終子能自得懟者在人
遺以輔余曾不逡巡歲云其逝予悲孔新其孰昭之琢
此幽珉

亡弟湘潭縣主簿子湖墓誌銘

熙寧十年春子蒙恩予告葬其弟子翊於南豐維子翊
姓曾氏諱宰字子翊世曾人今家建昌軍之南豐子翊
少力學六藝百子史氏記鍾律地理傳注箋疏史篇文
字目覽口誦乎抄日常數千言乎抄書連榻累笥不能
容於其是非治亂之意既已通至於法制度數造物立
器解名釋象聲音訓詁纖息委曲貫穿旁羅無不極其
說且老未嘗易意其為文馳騁反復能傳其學為人質
直孝弟抑畏小心少年飲酒歌呼饒樂放縱之事未嘗
一接焉其學行如此於世用宜如何也然位不過主簿
壽止於四十七其非可哀也夫子翊嘉祐六年進士及
第歷舒州司戶參軍潭州湘潭縣主簿所居官理其去

人思之其學於古者蓋未嘗試也有子經綬純約女適
饒州軍事判官曹唐弼次尚幼也曾祖諱某尚書水部
員外郎祖諱某尚書戶部郎中直史館贈右諫議大夫
考諱某太常博士贈尚書都官員外郎先大夫人吳氏
吳興郡太君今太夫人朱氏南昌郡太君妻張氏子翊
熙寧元年四月乙巳卒於湘潭十年三月庚申葬於南
豐龍池鄉之源頭銘曰

好學不倦以及其詳力行不已亦蹈其常見於遺文華
表之章含其淳德璞玉之良于舒于潭非誠其有方疆
而盡又奪其壽苗而不施則既已矣潛而益明尚監于
此

曾氏女墓誌銘

先君太常博士贈尚書都官員外郎曾公之第八女諱
德耀字淑明生而慧淑於女工不學而能於孝愛天成
也生二十歲許嫁大理寺丞王幾行有日矣嘉祐六年
九月戊寅以疾卒于京師熙寧十年三月壬申葬南豐
之源頭其兄鞏為銘曰

孰訛爾質而伐其成尚千萬年爾室之寧

二女墓誌銘

南豐曾氏葬其二女其父鞏為誌曰予校書史館凡九
年喪女弟喪妻晁氏及二女余窮居京師無上下之交
而悲哀之數如此二女曰慶老吾妻晁氏出也生三歲

而天寶嘉祐六年十一月壬申方是時吾妻晁氏病已
革慶老疾未作之夕省其母勉慰如成人中夕而疾作
遂不救蓋若與其母訣也曰興老吾繼室李氏出也卒
時始二歲實治平三年九月甲寅是時余方鎖宿景德
寺試國子監進士不得視其疾臨其死也二女生而值
予之窮多故其不幸又天以死所謂命非邪熙寧十年
予為洪州始以三月庚申瘞二女於南豐之源頭同穴
慶老在右興老在左是為誌

仙源縣君曾氏墓誌銘

吾妹十人其一蚤夭吾既孤而貧有妹九人皆未嫁大
懼失其時又懼不得其所歸賴先人遺休嫁之皆以時

所嫁之者皆良士謂宜皆壽而昌以延光榮于父母家也而十餘年間死者四人先人之盛德也吾妹之懿也曾不章顯於世而夭吾故不知夫哭之之慟也諱德操字淑文者吾之第九妹也嫁江都王氏為殿中丞贈尚書屯田員外郎諱某之子婦殿中丞幾之妻封仙源縣君為人柔嫻靜顓動止以儀度平居溫溫一言笑不妄也與人群居自處者常取其後與人共衣食自與者常取其薄王氏故貧垢衣菲食未嘗以為歉恭大慈小輔其夫以義無不得其宜者不幸年三十有一以死有子男二人曰某曰某女二人皆幼也曾氏其先魯人今家建昌軍之南豐吾妹為尚書戶部郎中直史館贈右諫

議大夫諱某之孫女太常博士贈尚書都官郎中諱某
之女卒於熙寧七年三月庚子葬於揚州江都縣東興
鄉元豐四年某月某甲子也銘曰
既艱其生又不介之壽維篤于仁尚克臧厥後

元豐類彙卷之四十六